

詩

益

詩益就正啟

伏聞在昔明王造士之典經術先崇至聖雅言之科

詩歌首重

始興

躬生

盛興志切儒修幼懷毛氏遺編僅能句讀長習紫陽集
詁畧識源流然而塞有蓬心森難兼測羅前賢之明
訓滋辨說而糾紛搜至道之淵涵恍疑端而錯迕
如幽風最古不列二南之前王號猶存乃居三衛之
次邠鄘之篇既闕徒謬襲於空名小大之雅雖分
揆
挖揚於異義若夫衰姬穠李雜唯雄河苻以同風

節髡髦偕鶴鵲增災而聯詠載馳河廣之女系公並
帶而兩地傳歌緣衣顧人之章情有同源而殊方儀
賦抑且祀尊邵國述肇岐封生民獨後文王既類肆
於世敘天作不先清廟亦禮失於推崇申召諧勲錫
黍苗崧高之異次朔南均伐奚六月常武之殊編至
以和平溫厚之音而雜熾思幽憂之作魚藻苑柳美
惡豈曰合辭辭雖異柔愉悲亦有分志大批篇章序
列類例參差未可執一以概言亦且末由而罄舉如
云錯簡則傳經代有偉人矧自刪繁而往聖貽茲來

哲獨惜微音既邈微言或昧於參尋載籍云遙大義
遂遺於缺畧是以宣幽變什時世亡徵鄭衛淫辭請
家聚訟將闡揚之無自欲考訂之靡從幸覩文治蔚
興之期欣逢典章明備之日伏讀

聖祖仁皇帝御纂經義鴻文炳煥瑤冊琳瑯萃諸子異同之
言分猶涇渭會羣儒闢奧之旨昭若日星緯地經天
丕著

盛朝之烈金聲玉振永垂奕代之模斯詩學之大成爲愚
蒙之津筏蓋衆解旣備則疑義可參且折衷已明而

其詮自得爰是纂采思奮嘉仰測於高深消滯歸功
願希能於萬一積歲累月殫精窮神竊集撰詩益
部合凡本傳次問表辨二十卷蓋繼漢唐以來
訓詁之成書發尼山編定之至意關雎以降狼跋
前上感下應之理如斯風之所以名風與召旻居終
鹿鳴居首初盛終衰之迹若彼雅之所以繼雅也故
一風有一風之本末一雅有一雅之指歸治亂興亡
次第見紀綱之大畧創懲勸戒低徊盡悲憫之幽衷
茲乃考其簡策之所燦陳詠歌之所臚列楚邱淇澳

上帛殷墟而變於衛姜匪風下泉末嗟周道而邇懷
邠俗離黍降同於列國錄實匪夸猗嗟附刺於宗邦
含譏自遠卷分明志忽斷新臺乘舟之編類比陳謨
復合鴟鴞七月之誦雖狂且狡童之詞無妨並采惟
以辨俗於貞淫若樂歌燕飲之什可以寓懷豈嫌雜
陳於美刺故小正之義多往復蓋西京之亡有感傷
情排惻而彷徨道光昭而盛大內天保外采薇穆然
如睹至治之規模始憂勤終逸樂俾焉共仰太平之
景象他如廣鼓鐘雅音之奏爰賦楚茨緬生民肇祀

之祚載吟行華則又深心綿邈遠志夷猶若乃什題
文王則惟崇德頌終大武亦曰象功所以爲尊隆之
極思揚厲之至則此皆其華華大者可謂較然明著
已總之義理攸存後先不拘於時代鑒觀有迹錯綜
每見於情文斯卽開筆削之源先獲麟而作史繼典
謨之盛踵藏壁而傳書至於句詁淺深篇分綱領首
辨麗諸疊體次通諷刺長辭譬如秣馬秣駒同情漢
廣猶爲兩咏假使繩繩整整同義益斯奚必分章謬
從太祖之文出車遂矢周宣之命不讀永懷之句正

月疑非宗鎬之詩蓋必達於風人興賦之原斯以明
聖教昭垂之跡故先之本傳以集其義繼之辨言以
衷其歸授受師承未敢漫違於前範古今旁採惟期
畧補於闕遺發明朱子之功推闡毛鄭之學然而切
磋寡與懼貽不醇不備之憂樸斲時疎難獲盡意盡
言之趣恭惟

有道君子

達人先生

俯賜覽觀兼施

敬茲俾材之偏者有必達而璞之缺者得復完則不惟
鰥生之幸抑亦斯道之光矣謹啟

金壇晚學劉始興拜葉

詩益序

詩自齊魯韓三家既亡。惟小序毛傳說獨存。繼之鄭箋孔疏以闡其蘊。漢唐後學者皆宗之。及宋朱子辨論序說謬誤。更定舊解爲集傳。而小序毛鄭氏之學多釐然出於正矣。愚考詩序及毛鄭氏舊解。頗有所穿鑿。第詩學賴之以傳。且去古未遠。其得之師傳授受者。往往而有。故凡舊解穿鑿謬誤之處。朱子辨而正之。可謂廓如若旣明曉。當信從者。蓋已無復疑似兩可。及從闕弗注二者之病。說詳後此其說有宜采擇者。且詩三百篇其

詩辨

總序

閒辭事相頌而竝收博學迭出而互見者不鮮假如取

二南草蟲行露野有死麕三詩雜之鄭風僅與將仲子

風雨二篇同解

草蟲風雨皆婦人思其君子之詩行露野有死麕將仲子皆女子拒淫之詩

以鄭之羔裘曹之鳴鳩雜於二南亦與羔羊同風

羔裘鳴鳩

羔羊皆美其在位者之詩

而盛衰貞變之義弗著他如小雅祈父以

下近於風

說見詩次問

楚茨以下近於頌

小雅楚茨信南山甫田大田四篇皆

美其力農事以奉祭祀之詩與周頌載

交良耜相類故舊說謂之幽雅幽頌以前說例之風

詩雜於雅雅詩雜於頌而風雅頌之義莫得而辨矣故

善說詩者其在國風必考其所繫何風復繫何篇之下

以求所謂上感而下應者而得其名風之說。

此以下說並見詩次

問及

至於雅頌亦統觀其詩之始終次序以驗王道之

興廢與古先王制作之精意而於小雅諸篇必三復焉
可以知孔子興周之志復古之心此其大略也故詩有
異類而同次者衛共姜柏舟宣姜牆茨之類是也有同
類而異次者小雅黍苗大雅崧高之類是也有兼收並
採著其淺深先後以爲義者鄭衛諸淫詩小雅燕饗諸
詩是也其他次乎風者義從風次乎雅者義從雅次乎
頌者義從頌或本其世系或依其事類或因其政治得

失上下感應之次爲敘要其善者足以觀而法不善者
可以懼而戒其歸一而已矣故詩之爲教也一篇之義
小而全詩之義大一篇之義詩人之旨也全詩之義孔
子編次之意也今自鄭氏詩譜及孔疏解全詩編次大
義多牽於小序時世之論無足取者而朱子詩傳惟二
南說略具都鄙衛以下闕之近代學者僅知指摘篇章
習熟句讀或復紛紜聚訟而不辨其義徒欲強持序說
詆訐朱子說詳後詩辨而於聖人垂教之大則略而弗講惜
哉愚旣幸詩學之傳復刪厥謬誤以正其義復懼茲闕

略乃合詩序毛鄭孔氏及朱子傳說略加采擇更旁引諸家積二十餘年作詩本傳八卷詩次問補言三卷詩表二卷雜辨七卷略推廣本篇詩意及益以孔子編次之義補舊解所未到因名之曰詩益云乾隆五年十月既望金壇後學劉始興序

詩益目錄

卷一

詩本傳

卷二

詩本傳

卷三

詩本傳

卷四

詩本傳

卷五

詩本傳

卷六

詩本傳

卷七

詩本傳

卷八

詩本傳

卷九

詩次問

卷十

詩次問

卷十一

詩次補言

卷十二

詩表

卷十三

詩表

卷十四

總辨

卷十五

雜辨

卷十六

雜辨

卷十七

雜辨

卷十八

雜辨

卷十九

雜辨

卷二十

雜辨

辰駿

少時讀三百篇。多蓄疑未解。遍覽先儒舊說。益

滋聚訟。及從吾兄。韶江先生遊。先生方研注詩。益

一書。

辰駿

追隨几案。親炙訓誨。日漸開悟。始知經學

自有真詮也。今宦闕去官。赴部銓補。重晤先生於

燕邸

先生出茲編以示

展裝

潛心諷讀覺曩時教

誨猶能記憶詩益諸敘文雖已總具綱領然中間義例頗繁恐一時未能開卷瞭然竊欲謹記舊聞略揭書內要旨兼述鄙衷一二贊言麗之篇端以曉讀者先生以爲然遂一一附載目錄之後。

詩益要旨惟在續補舊解闕遺大義次則辨析先儒未定疑案其間章句訓詁雖與朱子集傳小有異同然實朱子之功臣也蓋自漢唐以來小序毛鄭之說孤行於世其支離穿鑿之病有害經義者往往不鮮

朱子辨而正之。小序毛鄭氏之學。由是始醇。然於經
內義理大端。尙多闕略未備。是以宋元諸儒。紛紜聚
訟。迄無定論。後來學者。靡所適從。今詩益一一研窮
增補。大義既備。先儒聚訟之說。自渙然冰解。其爲功
於朱子。豈淺小哉。

先生嘗云。漢唐以來。無小序毛鄭氏。則詩學不傳。無
朱子力闢序說謬誤。則聖人編詩垂訓大義。亦不可
講。辰發竊謂無詩益一書。補闕辨疑。則聖人之經義
不全。朱子之功。亦不著也。

詩益續補大義在詩次問詩次補言數萬餘言竊謂
自有詩學以來未之有也。大凡聖人編次三百篇之
意。旁皇周浹。盡備於此。此其道與易傳春秋相表裏。
蓋文王之序易。夫子之編詩。其爲教不同。而其致一
也。夫子作春秋之旨。直而嚴。及編詩之意。則婉而深。
微而著。向來讀春秋者。病在捨經從傳。而不求其本。
多以曲解失之。讀三百篇者。病在尋章摘句。而不求
其通。多以疎略失之。故詩益補闕之功。譬猶渾沌鑿
開。初見宇宙。而又天造地設。義理歸于自然。後有議

者。諒不以愚言爲阿好耳。

詩益辨疑。說具總辨雜辨。中間條分縷析。盡解從前學者之惑。數百年以來。雲霧悉除矣。至本傳分註章句淺深次第。及全篇篇意貫通。亦多闡發。未有補先儒舊解之闕。然皆確有依據。精切詳密。非附會穿鑿者比。學者所當深玩也。

詩益全書凡四種。詩本傳一。詩次問詩次補言二。詩表三。總辨雜辨四。蓋凡說詩者。必先講明本篇詩人之意。然後聖人編次垂訓之意。乃可講。故以詩本傳

爲首詩次問詩次補言次之詳表合本傳次問之義
分別詩人孔子之意而表其大凡故又次本傳次問
之後總辨雜辨條析先儒疑義而衷之於一詩傳之
源流也本傳次問相繼而經義乃全表又重著以明
之所以反覆之也辨則居於末焉亦閒次之義也

讀詩益本傳者當與總辨雜辨並讀讀詩次問及補
言者當與詩表並讀蓋詩益本篇舊解可否從違說
具總辨雜辨內故讀本傳者當與此參觀乃得之至
於分別詩人孔子之意及編次風雅頌升降先後之

序咸備於表。故讀詩次問及補言者。亦當與此參觀耳。

先生成詩益一書。垂二十餘年。故立義深厚完密。不惟摩會羣書已也。每著一說。往往分散各條。如解衛冠。郝鄭義。一見本傳。一見詩次問。一見詩次補言。其辨則詳於雜辨。讀者必融會其說。其義乃備耳。辰駿

嘗請於先生曰。詩益諸說。盡以類從。且便讀者耶。先生曰。否否。凡義理必分著而後明。又讀書之法。惟在觸類貫通。若求一覽而盡。斯失之矣。况讀吾書而

不能竟其說其於學問之道何有哉

詩益有增訂朱子集傳說者非與朱子立異也有力
詆衆說辨從朱子者非爲朱子曲護也蓋惟以篇意
爲斷耳小序毛傳鄭箋孔疏及諸家說亦然蓋凡先
儒舊解義可從則從之不可從則旁引參補之不以
其人異也

詩益全書內次問補言總辨雜辨及諸序文皆略分
句讀以便觀覽惟本傳則分二例其有增補新義及
貫通篇意分別淺深者以單圈表之類輯訓詁舊說

者以單點表之取其易於辨識也。

此上諸說

辰發

或得之曩時舊聞或約舉書內大旨
學識淺陋不敢妄有滋益惟冀讀茲編者藉爲端緒
以求竟其說已耳

先生沈潛經學積數十年詩益一編蓋其功深而最
大者外有尙書古文語錄左氏春秋傳志楚辭新義
史記指意諸書先生閉戶闇修世鮮知者然嘉惠
來學可久可傳願與二三同志勉力付梓庶存不朽
以待後云

第辰駿
字襄
謹記

同學諸子受業門人編校姓氏另版登載

詩本傳序略

詩本傳者。詩本篇章句傳也。愚讀國風體前後多疊章複句。然皆有淺深次第之義。舊解多闕不講。學者顧弗深察。徒見其辭意重覆錯雜。而無義理。不亦病乎。至二雅長篇爲多。如小雅正月大雅抑桑柔之類。篇義頗難通貫。則欲考傳註之紛紜而求其合。難矣。或復據其一二語。遂疑其時代。抑又過也。如正月云。赫赫宗周。實似威之。兩無正云。宗周既滅。或疑東遷以後詩之類。孟子子云。說詩者。不以文害辭。不以辭害志。如徒以章句文辭而已。則誤於此。遂泥於彼。以其一節而失其全體者。曷可

勝道。今惟以貫通篇義及分別章句前後深淺次第爲主。則於本篇詩人之志頗有發明。凡舊註之是非辨論之得失皆有依據可講。復新以上下篇孔子編次之意以獲厥指歸。至其說則別著之。詳詩次問及雜辨而關於此焉。若夫草木鳥獸山川地志音韻之學。蓋有志而未逮。姑從舊說略訂之。俟後之君子。

詩益卷之一

金壇後學劉

詩本傳

國風

國風名風者。謂上化其下而下應之。猶風之動物然。故曰風。如二南上有關雎葛覃卷耳之化。下桃夭芣苢之化。都鄙衛上有柏舟綠衣之化。下凱風谷風應之是也。詳見後詩次問。先儒說二南爲正風。都鄙衛以下爲變風。凡分十五國。今以都鄙無詩。合之爲十三國云。

周南

周國本在禹貢雍州境內岐山之陽。后稷十三世孫大王遷伏羲自幽於遷居其地。傳于王季歷。至孫文王昌

辟國漢廣遂遷都於豐分岐周故地爲周公旦召公奭
采邑使用周公爲政國中而召公宣布於諸侯於是德教
大行凡南方諸侯之國江沱汝漢之間莫不從化蓋若
分天下有其二焉至子武王發又遷於鎬遂代商有天下
武王崩子成王誦立周公相之制作禮樂蓋其先用
公嘗采文王之世風化所被民俗之詩其得之國中而
雜以南國者曰周南得之南國者曰召南及是被之管
弦以爲房中之樂而又推之以達於鄉黨邦國役世周
室既衰或亦以其詩類附焉孔子取而刪定之惟存何
彼禮矣一篇上與則公所采之詩編次先後凡二十五
篇以明文王之化云

關關雎七音

鳩在河之洲窈

窕反鳥了窈徒了

淑女君子好逑

求音

興也下二章同凡詩有興比賦興者先言他物起興比
以彼物比此物賦則敷陳其事之謂也○詩文王生有

聖德又得聖女。魏氏以為配。故以雌鳩起興而美之首章。下二章之綱領也。關關雌雄相應和聲。雌鳩水鳥。一名王雎。雌類。生有定耦。耦常並遊而不相狎。毛傳云。擊而有別者是也。河北方流水之通名。洲水中可居之地。窈窕幽閒意淑善也。女者。未嫁之稱。指后妃為處子時。君子謂文王好亦善也。述正也。此章先美后妃之德。宜配君子如此。故曰窈窕淑文。君子好述。蓋淑女之配君子。亦若雌鳩之和聲相應然。故以為興。凡詩興體皆與下文有闕應。

義韻青宜玩

參初金差初宜荇衛猛采左右流之窈窕淑女寤寐求之

求之不得寤寐思服叶蒲悠哉悠哉輾哲善轉反側

首章既美后妃之德。宜配君子矣。此章因以荇菜起興而推本其未得之時如此。參差長短不齊貌。荇接余也。根生水底。莖如釵股。上青下白。葉紫赤。圓徑寸餘。浮水面。流披靡從流水也。此尚未言取之。下章采之乃言其

取耳寢覺寐寢也苻菜曰左右流或左或右言無方也
淑女曰寤寐求或寤或寐言無時也亦相對有關係義
服猶懷也悠思之長也輟者轉之半轉者輟之
則反者輟之過側者轉之留皆臥不安時意

參差苻菜左右采

叶此禮反

之窈窕淑女琴瑟友

叶羽已反

之參差

苻菜左右采

毛報反

之窈窕淑女鐘鼓樂

音洛叶

五敦反

之

末章承前章復以苻菜起興言今始得之時采取而擇
之也琴五弦或七弦瑟二十五弦皆絲屬友者親愛其
德之意苻菜熟薦之也鐘金屬鼓革屬樂音樂也采者擇
其善有友義焉苻菜者薦其成有樂象焉琴瑟聲和故曰
友鐘鼓聲盛故曰樂此上二章皆承首章窈窕淑女君
子好逮二句之意而言蓋惟后妃之德有以配君子而
成內治之美故其未得而憂既得而樂如此孔子曰關
雎樂而不淫哀而不傷樂而不淫謂如末章所云哀而
不傷謂如二章所云此其和平敦厚之音昔嘗用之鄉
人邦國今雖無復傳者然猶讀其辭而想見之至其詩

未知何人所作。朱子云：作於文王宮中人，或又謂作於畢公。詳觀今皆無可考。故闕其說。後詩凡不言作者同例。此。

關雎三章一章四句二章章八句

關雎篇首冠周南及葛覃卷耳以下。乃孔子編次。如此非詩人本意。今設別詳詩次問。從並同此例。

葛之覃

徒南反

今施

音異

于中谷維葉萋萋

音妻

黃鳥于飛集于

漙

古亂反

木其鳴喈喈

音皆叶居奚反

賦也。下二章同。○后妃將歸寧而作此詩。首章二章皆追賦之辭也。葛草名。可為絺綌者。覃延施移也。謂蔓生也。中谷谷中也。萋萋盛貌。黃鳥鵝也。一名搏黍。漙木。葉木也。喈喈和聲。遠聞者。此言初夏葛葉方盛之時。起下章成絺綌意。因葛草而及黃鳥鳴。不賦其物以紀候耳。

葛之覃兮施于中谷維葉莫莫是刈

反 爲 葛

是蔑

反 胡 郭

爲絺

恥 知

爲絺

去 道

服之無斁

亦 音

此章承首章言盛夏之時葛既成而始爲絺絺之服也
莫莫茂密貌刈斬獲也精曰絺暴曰絺教服也首章
及此皆因末章歸寧之章而追賦其未歸時成絺絺之
事如此蓋必待婦功既畢而後及於歸寧則不以孝思
之無虧夫其內職之有常此
所以爲貞靜專一之德也

言告師氏言告言歸薄汚我私薄澣

反 戶 管

我衣害

反 戶 葛

澣

害否

反 方 九

歸寧父母

反 其 後

上章既成絺絺之服矣末章遂言歸寧之事此其作詩
本意也言語辭師女師也薄猶小也或曰薄亦語辭後
凡云薄言者從此汚煩獨之以去其汚猶治亂曰亂也
私無厭也澣濯也澣比汚爲尤潔矣衣禮衣也蓋汚之

用功雖深而辭則尤渾。惟私服乃燕居之服而禮衣將服之以歸寧父母故也。苦何也。寧安也。謂問安也。

葛覃三章章六句

朱子曰：此詩后妃所自作。故無贊美之辭。然於此可以見其貴而能勤。富而能儉。已長而敬。不弛於師傅。已嫁而孝。不衰於父母。是皆德之厚而人所望也。

采采卷耳

上聲

耳不盈頃

音頃

筐嗟我懷人

之反

彼周行

叶戶

郎反

賦也。下三章同。○后妃以君子不在而思念之。故作此詩。采采。言非一采也。卷耳。葉如鼠耳。叢生如盤。采卷耳者。假托之辭。不必實有是事也。頃。鼓也。筐。竹器。懷思也。人。蓋謂文王。寘。舍也。周行。大道也。頃筐易盈而不盈。且實之大道之旁。而不能復采。以見其懷思之甚也。此蓋后妃當文王。朝會征伐。及羗里拘幽之日。而作與嗟我懷人句。一篇之綱領。

陟彼崔嵬

祖曰

嵬

五曰

我馬虺

呼曰

隤

音

我姑酌彼金

罍

反

維以不永懷

叶胡

反

此下三章皆承首章嗟我懷人之意而言陟升也崔嵬爾雅曰石山戴土者托言升彼崔嵬之山將以遠望所懷之人耳虺隤馬罷不能升高之病姑且也罍酒器刻為雲雷象以黃金飾之永長也言酌金罍之酒以自娛欲其不至長以為懷也此蓋反首章懷人之意而庶幾有以舒其憂耳

陟彼高岡我馬玄黃我姑酌彼

徐廣

觥

古橫反叶

維以

不永傷

山春日暘既陟崔嵬復陟高岡者言所陟之匪一以見其懷思之愈甚也玄黃玄馬而黃病極而變色也見觥角爵也兕觥為之永傷比末懷又深矣不永傷復反首章嗟我之意

陟彼砠七餘反矣我馬瘠音塗矣我僕痡音敷矣云何吁音吁舊本作吁

朱子集傳云爾雅注引此作吁今從之矣

爾雅曰土山戴石為砠瘠痛皆病也前二章但云馬病此復及僕者推廣而極言之吁張目而望也云何吁者言欲望之而無從卒反上交涉山遠望之意以明所懷者之終不可見耳

卷耳四章章四句

朱子曰此亦后妃所自作可以見其貞靜專一之至矣

南有樛居蚪反木葛藟力軌反之樂音洛只音祗君子福履

綏之

興也下二章同○此蓋美文王之詩南毛傳云南土也謂荆揚江漢間木盛處猶後篇曰南有喬木也木下曲

曰樛葛葛類繫猶繫也。只語融樂只美其德也。君子謂文王也。榑稭安也。蓋木下曲則繫之者固。猶君子有樂只之德則身之獲福履者安故以爲與。下二章荒將繫成義做此。此篇君子朱子集傳云指后妃。今從毛鄭氏義而復訂其篇意如此。詳見後詩辨。

南有樛木葛藟荒之樂只君子福履將之

荒奄也將猶扶助也。

比首章綏義爲深。

南有樛木葛藟

反鳥

之樂只君子福履成之

繫旋也。始繫之。繼奄之。末復旋繞之也。成就也。此要其終言之。比前二章綏將義爲又深。

樛木三章章四句

此篇舊解詳後詩辨。○按凡詩興比體有辨。興者以彼興此。與下文相對爲義。比者比言正意。與下文

為義。但詩中比體易曉。至所謂興者。亦必求其所以取興之義。上下文意。乃有關係。不可不察也。

螽斯羽詵詵音華兮宜爾子孫振振音分

興也。下二章同。○文王后妃子孫衆多。而又有賢德。故以螽斯為興。而美之。螽斯。蟪蛄也。一名斯螽。蝗屬。青色。長角。長股。一生九十九子。和集貌。宜猶善也。爾謂文王后妃振振仁厚也。言文王后妃能善其子孫。使之仁厚也。文王后妃子孫之仁厚。猶螽斯羽之和集。故以為興。

螽斯羽薨薨兮宜爾子孫繩繩兮

薨薨。羣飛聲。繩繩。不絕貌。言文王后妃能善其子孫。且繩繩之多也。首章先言振振。此章後言繩繩者。蓋子孫惟有振振之賢德。故其衆多為足美也。

螽斯羽揖揖測立兮宜爾子孫蟄蟄直立兮

揖揖合聚也。螽斯亦聚意。方氏應龍曰：螽斯即螽蟴之螽。言其伏藏而螽聚也。上章先言繩繩，末章後言螽蟴，蓋子孫惟有繩繩不絕之美，則本支繁衍而其會聚者益衆矣。螽羽羣飛有不絕之聲，上章所以興繩繩，而此章則又以揖揖螽蟴同義爲興也。

螽斯三章章四句

此篇亦畧從毛鄭氏義詳見後詩辨

桃之夭夭

於驕反

灼灼其華

叶芳無反

之子于歸宜其室家

叶古胡反

興也。下二章同。○文王國中女子婚嫁及時故因桃夭起興而美之。桃木名。夭夭少好貌。灼灼華盛也。木少則華盛。興女子之及時而嫁也。周禮仲春會男女。桃之有華正婚姻時也。之子猶云是子。指嫁者言。婦人謂嫁曰歸。宜和順意。室謂夫婦所居。家謂一門之內。蓋此女子亦賢而有德者。故詩人美之如此。而文王周公之化於

此可見矣

桃之夭夭有蕢

音文

其實之子于歸宜其家室

承首章言桃之華而及其實蕢實之盛也復曰宜其家室者反覆而深美之之辭桃之有實又如女子之有家室故以爲興

桃之夭夭其葉蓁蓁

側巾反

之子于歸宜其家人

蓁蓁葉盛貌復承前二章言華言實而及其葉則桃之美者備矣家人一家之人因言家室而及其家人則女子之德無不宜矣葉之蓁蓁又以興家人之衆多也

桃夭三章章四句

按美出嫁女子此篇本旨也至美文王之化意則篇內未及蓋言外見之說詳後召南總解下免冒漢廣

同。

肅肅兔罝

子余反與夫為韻

柶

陟角反

之丁丁

音爭 赴赴

居黠反

武夫公

侯干城

興也。下二章同。○文王國中賢人衆多皆有可用之材。故因兔罝起興而美之。肅肅整飭貌。罝罟也。丁丁柶杙聲。蓋柶杙地中而張罝其上以掩兔也。赴赴武貌。干盾也。干城皆扞外衛內者言其武夫之材可用如此。文王周公德化之盛亦可見矣。兔罝肅肅與武夫之赴赴而柶與干城亦有關應義。

肅肅兔罝施於中逵

求遄反

赴赴武夫公侯好仇

叶渠之反

逵九逵之道也。承首章柶兔罝而申言其所施之地如此。好仇與好逮同。匡衡引闇雖亦作仇言其德可與公侯匹耦則匪但干城而已。嘆美之愈深也。鄭氏曰好仇和好敵仇與中逵義相惡說亦通。

肅肅兔置施於中林赴赴武夫公侯腹心

中林林中也視中遠地稍僻矣地僻則兔益易且可知腹心又匪但好仇而已中林腹心義亦相應

兔置三章章四句

采采芣苢

音苢

以音苢

薄言采之

叶此

采采芣苢薄言有之

叶羽反

賦也下二章同○文王國中婦人室家無事相與采此

芣苢以為樂而賦其事作此詩芣苢車前也大葉長穗

好生道旁采如求之也有既得之也采之未詳何用或

曰其子治產難此篇婦人惟賦其事云爾未嘗自言被

何人之化也但後人讀其能見當日文王國中

化行俗美家室和樂如此云說見後召南總解

采采芣苢薄言掇之

都奪反

采采芣苢薄言捋之

力活反

掇拾也捋取其子也

采采芣苢薄言袺

音

之采采芣苢薄言禴

戶結反

之

袺以衣貯之而執其衽也禴以衣貯之扱其衽于帶間而歸也此上三章先云采繼云有繼云掇持繼云袺皆依其事之次序而言之如此

采芣三章章四句

南有喬木不可休思

思舊本作息孔氏疏云詩韻在辭漢上休求字為韻宜作思今從之

有游女不可求思漢之廣

叶古反

矣不可泳

音誅叶

思江之

永

叶弋反

矣不可方

叶市反

思

興而比也下二章同○南國江漢之間其出游之女貞潔不可犯故因喬木起興而美之木上疎無枝曰喬休止息也思語辭喬木之不可休猶女子之不可求故以爲興江漢皆水名泳潛行也永長也方梓也未以江漢

爲比而詠歎之。言其女之貞潔。亦若江漢之不可方沬。而文王之化。及於南國。於此可見矣。漢有游女不可求。思二句。一篇之綱領。

翹翹反那遙反錯薪言刈反魚廢其楚之子于歸言秣反其馬莫葛

叶滿反漢之廣矣不可沬思江之永矣不可方思

此下二章皆承首章漢有游女不可求思二句之意而反覆言之。翹翹秀起貌。錯雜也。楚木名。荆屬之子指游女秣飼也。首借錯薪起興。設言之子于歸欲秣其馬則悅之至矣。復以江漢爲比而重詠歎之。所以明其終不可求之意也。

翹翹錯薪言刈其萁音之子于歸言秣其駒音漢之廣矣

不可沬思江之永矣不可方思

楚言也。葉似艾青白色。長數寸。生水澤中。駒馬之者。降楚言。蔓降馬言。駒情愈殷而意愈卑矣。刈楚刈蔓。亦所以興秣馬秣駒之義。

漢廣三章章八句

此篇章末。重複咏歎。意味深長。含蓄無盡。俾學者尋繹而自得焉。凡國風多用此體。亦或有畧取變文以爲諧韻者。而其義例一也。至其章內淺深次第之意。則於上下文見之。學者宜玩。

遵彼汝墳。符云伐其條枚。林廻未見君子。乃歷如調。音

飢

賦也。下章同。○汝旁國中婦人。喜其君子行役而歸。故賦其事。作此詩。遵。循也。汝。水名。墳。大防也。枝。曰條。幹曰枚。言其君子未歸之時。往循汝水之旁。而伐其薪。此賦其事。亦有興義也。思。思。謂朝也。蓋思其君子如朝飢之。

思食也訓一作轉重也

遵彼汝墳伐其條肄

反以自

既見君子不我遐棄

新而復生日肆承首章伐其枝又伐其肄則踈年矣至是乃見其君子之歸故深喜之遐遠也

魴

符方反

魚鱣

救貞反

尾王室如燬

音毀下同

雖則如煇父母孔邇

比也○承前章既見君子而言魴魚名身廣而薄少力細鱗植赤也魚勞則尾赤魴尾本白而今赤則勞甚矣比君子行役之勞蓋既見而深閱之之辭也王室紂所亂燬焚也如燬言酷烈也父母謂文王孔甚邇近也蓋文王之德如父母然望之甚近而可以忘其勞此又見君子而深慰之之辭而文王之化及於南國觀此章之言可見矣

汝墳三章章四句

此篇末有美文王之化勸作者本旨也又與前桃夭已下諸詩不同見後召南總解

麟之趾

音止

振振

音真

公子于

音吁

嗟麟兮

末句無韻

與而此也下二章同。此美文王后妃子孫宗族之詩。麟獸名廣身牛尾馬蹄毛蟲之長趾足也。麟足不踐生草不履生蟲故以與文王公子振振仁厚也。于嗟歎詞末曰于嗟麟兮比言文王后妃之德而歎美之蓋惟文王后妃德修於身而其子孫宗族皆化於善故詩人以麟美文王后妃而以其趾美公子之仁厚也。下二章定角義

倣此

麟之定

都佞反

振振

公姓

于嗟

麟兮

反

振振

公族

于嗟

麟兮

反

振振

公姓

于嗟

麟兮

反

振振

公族

于嗟

麟兮

定額也。麟額未聞或曰有額不以抵也。公姓公孫也。姓之為言生也。因公子而及公姓者推廣言之也。

麟之角

叶盧反

振振

公族

于嗟

麟兮

反

振振

公族

于嗟

麟兮

反

振振

公族

于嗟

麟兮

反

振振

公族

于嗟

麟兮

麟一角。角端有肉，不以觸也。首章云趾，次云定，末云角。從下及上，則言麟之德者備矣。公族，公同高祖祖廟未毀有服之親，因公姓而及公族者，又推廣言之也。

麟之趾三章章三句

周南十一篇三十四章百五十九句

召南

召召公奭采芣苢，舊說扶風雍縣南有召亭，其處餘見前周南。

維鵲有巢，維鳩居之。

叶煙反。

之子于歸，百兩御之。

五嫁反。叶魚據反。

之

興也。下二章同。○南國諸侯夫人，賢而有德，故於其始嫁之日，以鵲巢爲興而美之。鵲鳩皆鳥名，鵲善爲巢，冬至日架之，至春乃成。鳩性拙，不能爲巢，或有居鵲之成巢者，鳩所以興夫人。鵲巢興諸侯家也。之子，指夫人一

車兩輪謂之兩。御迎也。諸侯之子嫁於諸侯。送御皆自兩。易曰。無攸遂。在中饋。貞吉。小雅曰。無非無儀。惟酒食是議。此篇以鳩居鵲巢。喻夫人貞靜純壹之德。猶易與小雅義也。蓋惟其被文王后妃之化者深。故能如此耳。

維鵲有巢。維鳩方之。之子于歸。百兩將之。

方有之也。將送也。先言迎。次言送者。以諸侯之娶者為主也。

維鵲有巢。維鳩盈之。之子于歸。百兩成之。

盈滿也。喻衆媵姪娣之多。始居之。繼有之。末復盈之也。成。成其禮也。總前二章之意而結言之。

鵲巢三章章四句

此篇美文王之化意。亦言外見之。說同。周南桃夭篇。下采蘋采芣羔羊。小星江有汜。野有死麇。豳同。

于以采蘋。

音頤。

于沼于沚。于以用之。公侯之事。

叶上止反。

賦也。下二章同。○南國諸侯夫人能盡誠敬奉祭祀故賦其事美之。于於也。紫白蒿也。沼池也。泚清也。紫非水菜。于沼泚者於其水旁采之。下章淵中義同。事祭祀之事也。祭之日夫人以豆盛之。

于以采紫于澗之中于以用之公侯之宮

山夾水曰澗。于沼泚復于澗者明所采之非一地也。宮廟也。凡內祭祀之事皆行於廟。既曰公侯之事又曰公侯之宮者所以別外祀也。

被

皮寄反

之僮僮

音同

夙夜在公被之祁祁

巨私反

薄言還

旋音歸

末章承前二章遂陳夫人奉祭祀始終之事。被首飾也。編髮爲之。僮僮疎敬也。夙早也。公公所也。祁祁舒遲貌。言其夫人始終能敬祀事而不失其威儀如此。則其德可知而所以被文王后妃之化者深矣。

采芣三章章四句

嘒嘒於遙

草蟲超超

反托屋

阜

婦音蚤

終音

未見君子憂心忡忡

音充

亦既見止亦既覯

反古豆

止我心則降

音抗叶平攻反

賦也下二章同。○南國大夫行役在外其妻獨居感時物之變而思念之及其既歸而賦其事嘒嘒聲也草蟲負蟄雖屬奇音青色超超躍貌阜蚤蟄也草蟲鳴阜蚤躍而從之晚秋時也蓋先賦其所見之時物而後言傷其君子行役之意亦賦中有興義仲仲猶衡衡止語詞覯遇降下也

陟彼南山言采其蕨

音厥

未見君子憂心惓惓

音拙

亦既見止

亦既覯止我心則說

音悅

登山假托以望君子蕨薇也初生無葉時可食采蕨蓋仲春時承首章草蟲鳴則除歲矣蓋其君子自秋及春而未歸故其獨居感時物之變如此下章采蕨義同以此推之詩中所謂見止覯止者蓋又在莫春後耳惓惓

貌憂

陟彼南山言采其薇

音微

未見君子我心傷悲亦既見止亦

既覯止我心則夷

薇似蕨差大有芒味苦山間人食之謂之迷蕨胡氏曰
疑卽莊子所謂迷陽者采薇亦仲春時夷平也此篇三
章惟以草蟲鳴采薇采薇相承言之見其感時物之變
如此未見君子以下則三章之意無異也疊山謝氏曰
假使憂之深不止于仲仲傷則惻然而痛悲則無聲之
哀又不止于假假或又謂降言憂始去說則其意新矣
夷者見之久而復其常也按此二說
每章第四句與末句義亦有淺深

草蟲三章章七句

此篇婦人未有美文王之化意與周南采芣同義
說詳後召南摠解下行露般其雷標有梅並同

于以采蘋

符申反

南澗之濱于以采藻

音早

于彼行潦

音老

賦也。下二章同。○南國大夫妻亦能盡誠敬以奉祭祀。故賦其事美之。蘋水上浮菜。江東人謂之葢。濱厓也。藻聚藻生水底。莖如釵股。葉如蓬蒿。行潦流潦也。

于以盛之

音成

維筐及筥

居呂反

于以湘之

息良反

維錡及

其綺反

釜

符甫反

承首章而言。盛盛蘋藻也。方曰筐圓曰筥。湘亨也。粗熟之而淹為菹也。錡釜鬲有足曰錡。無足曰釜。

于以奠之宗室牖下

叶後五反

誰其尸之有齊

音齊

季女

亦承前章而言。奠置也。亦謂蘋藻宗室。大宗之廟。大夫士祭於宗室。牖下室西南隅。所謂與也。尸主也。禮主婦主薦豆。實以蘋醢。齊敬貌。季少也。能敬有禮不失婦職。少而已然。則其被文王后妃之化。亦可見矣。此篇三章。

皆一意相承。直敘其事如此。

采蘋三章章四句

漢齊詩无采蘋反也
說附注反也

蔽芾

音發

甘棠勿剪

反子踐

勿伐召伯所茇

反蒲易

賦也。下二章同。○召伯在文王時，循行南國，或舍甘棠之下，後人思其德，愛其樹而不忍傷，故賦此詩。蔽芾，盛貌。甘棠，杜梨也。白者為棠，赤者為杜。剪，剪其枝葉。伐，伐其條幹也。伯，方伯也。茇，草止也。

蔽芾甘棠勿剪勿敗

叶蒲寐反

召伯所憩

起例反

敗，折也。勿敗，匪但勿伐而已。愛之久而愈深也。憩，息也。此下二章曰：憩曰說。皆承首章茇義而言。蓋茇為草止，於召伯當日循行情事較切，而憩說皆泛辭也。

蔽芾甘棠勿剪勿敗

叶變反

召伯所說

音殺

拜屈也勿拜又匪但勿敗而已說舍也

甘棠三章章三句

此詩蓋作於武王成王之世召公為方伯時故曰召伯

厭浥入邑音行露豈不夙夜

叶羊反

謂行多露

賦也。南國女子有能守禮不為強暴所污者自賦其志而作此詩。厭浥淫意行道夙早也。托言道間露淫豈不欲早夜行乎。但畏多露之沾濡而不敢耳。首章先言其大意如此。下二章乃申明之。

誰謂雀無角

叶盧谷反

何以穿我屋誰謂女

音汝

無家

句無韻何以

速我獄雖速我獄室家不足

興也。下章同。○家室家之禮。謂以媒聘求也。速召致也。蓋此女子以禮自守。或有見訟而致於獄者。故其言如此。末曰室家不足。乃深絕之之辭。此所以畏多露而不取行也。雀之穿屋。猶其人之速獄。故以為興。下章鼠穿墻義。發此。

誰謂鼠無牙

叶音吾與家為韻

何以穿我墻

音容

誰謂女無家

叶音姑

何以速我訟

叶祥容反

雖速我訟亦不女從

牙牡齒也。墻牆也。雀之穿屋猶在外也。鼠穿墻則近人矣。訟猶獄也。末曰亦不女從復明絕之如此以終首章之意。

行露三章一章三句二章章六句

劉向列女傳曰召南申人女許嫁於鄧夫家禮不備欲娶之女子不可故作是詩今按此說無可考姑存

之可也

羔羊之皮

叶蒲何反

素絲五紵

徒何反

退食自公

音威

蛇音移吐唐何反

委蛇

賦也。下二章同。○此美南國大夫之詩。小曰羔。大曰羊。皮所以爲裘。大夫燕居之服。素。白也。紵。以絲飾裘之名。蓋緘。白絲爲細。施之縫中。兩皮聯屬處。以爲飾也。或曰。凡飾裘絲數。蓋不止有五。曰五紵者。言其縹也。退食。退朝食於家也。自公。從公門出也。委蛇。自得貌。此美其大夫退朝之暇。從容有度如此。則其人之賢可知。而所以被文王召伯之化者深矣。

羔羊之革素絲五紵

音域

委蛇委蛇自公退食

革。說文云。皮治去其毛曰革。然此爲裘。不宜去毛。二字異義未詳。緘。裘之縫界也。卽絲所飾之處。首章紵以絲

言此章絨以其縫言也。或曰：凡裘之縫不止有五，曰五絨者，亦言其總也。

羔羊之縫

音逢

素絲五總

音宗

委蛇委蛇退食白公

縫，縫皮合之爲裘也。總，數名。或曰：卽謂絨絨之總數也。復言五總者，與前二章互文以申明之。故首句特曰羔羊之縫，以切指其義云。

羔羊三章章四句

篇內三章末亦用重辭數美，但變文諧韻與前漢賁篇例畧有異耳。詩中亦多此體，說已見前。

殷

音隱

其雷

同雷

在南山之陽何斯違斯

與雷爲韻

莫敢或遑振振

音真

君子歸哉歸哉

末二句或用子哉叶韻或同麟趾篇例末句不用韻俟更詳之

興也。下二章同。○南國大夫從役在外其妻思念之而作此詩。殷雷聲山南曰陽。雷聲之在山陽未嘗遠也。故

計多
感之而以爲興何斯斯此人謂其君子遠斯斯此地遠
暇也振振信厚也歸哉歸哉望其君子早畢事而歸也
殷其雷在南山之側何斯遠斯莫敢遑息振振君子歸哉
歸哉

在側比在陽爲近矣息止息也蓋其
君子役事既不能暇則亦不能息也

殷其雷在南山之下

叶後五反

何斯遠斯莫或遑處

上

振振君

子歸哉歸哉

在下比在側爲又近矣處安
處也息之久而後能安處也

殷其雷三章章六句

標

解小

有梅其實七兮求我庶士迨其吉兮

賦也。下二章同。○南國女子以禮自守，懼嫁不及時，有
淫暴之辱，而賦其意，作此詩。標，落也。梅，木名，華白，實似
杏而酢。梅盛極則墮落，梅落而在樹者少，言其時過而
已晚也。庶，衆也。迨，及也。吉，吉日也。賦，標梅與求庶士，亦賦
中有興義。

標有梅其實三

叶疏符反

兮求我庶士迨其今兮

梅在樹者三，落者又多，則時又過矣。今，今日也。承首章
言擇言必迨今日，蓋時又過，則其期愈迫，而不吝更親，
故設言之如此。若今非吉日，當如下末章所云耳。夫迨
吉之義已見首章，故此章不言，而義理已包舊解，謂不
待吉，夫婚禮不待吉，則已苟矣，不且近於奔乎。

標有梅頃

音筐 頃筐

之求我庶士迨其謂之

頃，取也。頃筐，取之，則落之盡而時大晚矣。謂之，但告語
以定其約而已。蓋迨吉迨今，時雖稍過，而婚禮可成。若

時已大晚惟及今定其約以待來歲詩
勉而不過其女子之能守禮可知矣

標有梅三章章四句

呼惠 彼小星三五在東肅肅宵征夙夜在公寔命不同

興也下章同。○南國夫人能不妬忌以惠其下故其衆
妾美之而作是詩。雙微貌三五言其稀也。蓋初昏或將
旦時衆妾進御不敢當久見星而往見星而還故因所
見以起興。或曰賦也。肅肅齊遜貌。宵夜征行也。寔實同
自言其命寔與貴者不同。深以得御於君為夫人之惠
而不敢怨也。言其時諸侯夫人被文王后妃之化如此

嘒彼小星維參所森與昂音卯叶力求反○史律書北至

於音卯叶力求反留註云留即昂也昂一名留
反 寔命不猶

參昂西方二宿名蓋初昏或將旦時星稀難辨初視之
雖見或三或五及諦視之乃知為參與昂耳矣蓋初視之

裨被也。抱衾與裯。復承前章言。夙夜在公之事如此。猶亦同也。

小星二章章五句

江有汜

音祀叶羊里反

之子歸不我以不我以其後也悔

叶虎洵反

興也。下二章同。○是時汜水之旁。履有待年於國。嫡夫人不與之偕行者。其後嫡能自悔而迎之。故因所見以起興。而作此詩。水決復入曰汜。之子謂嫡也。婦人謂嫁曰歸。我。廢自我也。左右之曰。以謂偕行也。蓋其夫人被文王后妃之化如此。汜水決復入。所以興其後悔也。

江有渚

諸呂反

之子歸不我以不我以其後也處

渚。小洲也。水岐成渚。我與猶我以也。處。安也。承首章後悔之意。而言蓋其嫡夫人既悔迎之。故得安處也。渚水岐惟興不我以之義。但渚與處亦畧有相應耳。

江有沱

徒何反

之子歸不我過音尤不我過其嘯也歌

沱江之別者我過過我也不過我則不與我以我矣嘯
聲口出聲以舒憤懣也謂嫡初棄已時歌謂今來迎已
時未可總結全篇之意如此沱
水別與不我過義亦同前章

江有汜三章章五句

野有死麇

俱倫反與
音爲韻

白茅包

叶補
苟反

之有女懷春吉士誘之

興也下章同○南國女子有能守禮不從淫亂之行
故因所見起興而美之麇獐也鹿屬無角白茅包之與
女子之貞潔也包下二章意懷春當春有懷也蓋其女
子初有懷春之意後乃悔而拒之首章言其始下章如
玉美其終也吉士美士也誘女云吉士者亦美其不終
誘能得而自止不爲行露訟伐強暴之事也曰誘之首
其始曰吉士亦美其終蓋其
男女皆被文王之化如此云

林有樸反 蒲木 檉音速 野有死鹿白茅純音豚 束有女如玉

承首章復因所見為興以起末章之意樸檉小木與女子之守之堅也鹿獸名有角純束猶言包之此句與義同首章如玉美其潔也言彼懷春之女初若可誘後乃知其德之貞潔如玉也謂如下章所云

舒而脫脫音兌 兮無感我悅音稅 兮無使虺反 美邦 也吠反 符廢

賦也○末章承前章末句之意而述其女子拒之之跡舒舒遲有禮容也脫脫舒貌感動也虺犬也言汝當舒徐以禮來毋動我之輶驚我之犬以強暴相陵也夫以禮來則不相誘矣其詞緩而不可犯所謂如玉者如此而其男子亦悔而自止所以不失為吉士也

野有死麇三章二章章四句一章三句

何彼穠音濃與 矣唐棣反 徒帝 之華叶芳 曷不肅雝王姬之

車

興也。下二章同。○周平王孫王姬下嫁於齊，故以唐棣之華起興而美之。穠盛也。猶曰戎戎也。唐棣，移也。似白楊。唐棣之華之盛，與王姬車服之美也。曷，何。肅敬，謙和也。言王姬車服雖盛，不敢技貴驕其夫家，能敬且和以執婦道也。首章先美王姬下嫁之事，如此。此袁周之詩，未知其人果足以當之。然夫子錄之，亦必有見而取之。

云

何彼穠矣，華如桃李。平王之孫，齊侯之子。

此章承首章兼美王姬及齊侯之子也。李，木名。華，白實。可食。桃李之華，與王姬與齊侯之子之竝美也。齊侯之子，或曰襄公諸兒，或曰桓公小白。按春秋經文，魯莊公元年，王姬歸於齊，時襄公五年也。魯莊公十一年，王姬歸於齊，時桓公三年也。襄公桓公皆已卽位。今詩不曰齊侯，而曰齊侯之子，豈經文所謂或適襄公桓公之子。

而傳說有闕誤與抑詩所言者或別有指與二者未
有考然既曰平王之孫則其為襄用時事固可信矣

其釣維何維絲伊緡

亡貪

齊侯之子平王之孫

末章承前章始美王姬與齊侯之子為昏之意伊亦維
也緡緡也釣者台絲為緡與王姬與齊侯之子好合而
為昏也所謂易不肅離者如此

何彼穠矣三章章四句

此篇舊解

詳後詩辨

彼茁

則劣

者葭

音加

壹發五豝

音巴

于

音呼

嗟乎騶

側雷

虞

比也下章同○此蓋美文王之詩文王仁民之恩及於
庶類故以騶處比之茁生出壯盛貌葭蘆也亦名葦發
發矢也豝牡豕也壹發五豝者毛傳云虞人翼五豝以
待發翼豝也射壹發而獲五豝言其多也騶虞獸名白

虎無文尾長於軀不食生物不履生草者蓋春用之臣
草木之茂禽獸之多如此皆由窮處仁獸所致故歎而
美之而其歎美文
王之意自見言外

彼茁者蓬

蒲東反

壹發五豝

音

于嗟乎騶虞

兩章末句竝不用韻與周南麟

耻篇同例

讀者詳之

蓬草名一歲曰穉小禾也發言
蓬發犯言穉所以益著其盛也

騶虞二章章三句

此篇舊解作美南園
諸侯之詩詳後詩辨

召南十四篇四十章百七十七句

周南召南二十五篇桃夭兔置以下舊解竝作美文
王后妃德化所被之詩今各就本篇考之惟汝墳騶

趾騶虞三篇詩中已具此旨。他若桃夭兔置鵲巢采
芣之篇。篇內未嘗明言。或用推原爲說。云美其人以
見上之化。義亦可通。至如采芣婦人。隨事吟咏。草蟲
大夫妻對夫言情。行露標梅女子守禮拒亂。雖其人
皆由被文王后妃之化而然。然其作詩。惟各賦已之
情事而已。非美其上之詞也。故周公當日采詩。及孔
子編次之意。凡此二十五篇。皆所以推明文王后妃
之德。修身齊家治國之效。以爲天下後世法。若在本
篇作者。意指各異。固不可以一槩論也。今悉具其
說詩次問中。而於本傳。則惟據篇意以切解之云。

邶鄘衛

衛詩舊誤分屬邶鄘。今復合之爲上中下三卷。以從孔
子之舊。詳見後詩韓。衛國在禹貢冀州。西阻太行。北逾
衛漳。東南跨河。至兗州桑土之野。及商之季。而紂都焉。
武王克商。分其地。北爲邶。南爲鄘。東爲衛。封紂子武庚
祿父。弟管叔。蔡叔。霍叔。監殷餘民。是爲三監。時觀其
詩。蓋其時武王弟康叔所封國。亦在殷都畿內。齊康

諸所稱是也。但康諱武王，喪康叔孟侯而不稱衛天子。詩曰：「明大命於汴邦。」或康叔在武王時所封，不曰衛而曰汴云。後武王崩，成王立，三叔導武庚叛，周公奉成王命討之，乃誅武庚，管叔、蔡叔、霍叔為庶人。惟康叔在汴邦，克守厥職，於是成王周公乃以武王時所立三監之地盡封康叔，是為衛國。一說：成王誅武庚後，復續封邶、鄘，其後世子孫衛卒滅之，并其地，謂之衛。衛本都河北朝歌東，淇水北，百泉南，至懿公為狄滅，戴公東徙渡河，野處漕邑。文公又徙居楚邱。衛詩冠邶、鄘者，明其為三監舊封，實殷之故墟也。蓋國風首二南，著周所以興，次邶、鄘，傷殷所以亡，故其詩不與鄭齊。以下諸國同列，而先於王焉，詳見詩次問。

汎芳芷

反 彼柏舟亦汎其流耿耿

反 古幸

不寐如有隱憂微我

無酒以敖

反 五羔

以遊

比也。莊公惑於嬖妾，夫人莊姜賢而失位，故以柏舟自比。汎，淹沒也。柏，木名。汎，中流也。亦汎其流者，言無所依。

薄比已之不得於莊公而失其位也。故下文遂承此賦其意。耿耿、小明也。蓋不寐之狀。如而隱痛也。如有隱憂。句起下末二章意。微猶非也。言其隱憂如此。雖飲酒放遊。亦莫能自解也。

我心匪鑒不可以茹音亦有兄弟不可以據薄言往愬蘇路

反逢波之怒

賦也。下二章同。○已下二章皆承首章而言。鑒、鏡。茹、度也。言欲自度以解其隱憂。則匪鑒而不可度也。賦中亦以爲比。據、依。愬、告也。將往愬兄弟者。亦欲有以自解。無奈其不可據而反遭怒耳。夫莊姜不得於夫。故假兄弟不可據爲言。此乃婦人之常情。毛鄭氏舊解。作仁人不遇之詩。則於此等語豈可通乎。

我心匪石不可轉也我心匪席不可卷音也威儀棣棣不

可選也

石可轉而心不可轉則不能自賊以從人而其隱憂益甚矣庸可卷而心不可卷又謂其憂之不可去也操操富而閉習貌選簡擇也言已之威儀無一不善則又不可以自責者自解也自首章微我無酒以下至此皆信其隱憂之深而無以自解如此匪石匪席亦賦中有比義

憂心悄悄七小反惓于羣小古豆反閱既多受侮不少靜言

思之寤辟避亦反有標符小反

此下二章乃申明首章隱憂之意悄悄憂貌惓怒意羣小衆妾也觀見閔病也辟拊心也標拊心貌言寢不成寐而拊心自傷所謂耿耿不寐者如此

日居月諸胡迭待結反而微心之憂矣如匪戶管反靜言

思之不能奮飛

比也。○承前章而言。是諸語解迭更微虧也。日當常明。月有時虧。猶正嫡當尊。衆妾當卑。今妾反勝嫡。是日月更迭而虧也。故以爲比。匪澣衣。謂垢污不濯之衣。奮飛。如鳥奮翼飛去也。言其憂心之甚。至於如此。終首章意也。

柏舟五章章六句

此篇從朱子傳說詳後詩辨

綠兮衣兮綠衣黃裏心之憂矣曷維其已

比也。下三章同。○說同前篇綠。謂色黃。正色。間色。賤而爲衣。正色貴而爲裏。以比賤妾尊而正嫡卑也。曷。何已。止也。言其心之憂不知何時止也。

綠兮衣兮綠衣黃裳心之憂矣曷維其亡

上曰衣下曰裳記曰衣正色裳間色絲者為衣黃者為裳其失所比黃衷愈甚矣亡之為言忘也亡者已之盛

綠兮絲兮女

汝音

所治

平聲

兮我思古人俾無訖

音尤

兮

此章承前二章申言綠衣之意女謂莊公治理而織之也綠方為絲而治之使為衣比妾方少艾而嬖之使尊寵也俾使試過也言古入之道必有善處此者故今思之望莊公能悔其行使不至於過也

綌兮綌兮淒

音妻

其以風

叶方音反

我思古人實獲我心

末章復申言黃裏黃裳之意淒寒風也言衣綌綌而遇寒風比已之見棄故思古人之善處此者誠先得我心而無如莊公之不然而此篇與前篇末二章同意而詞肯尤殺讀者詳之

綠衣四章章四句

燕燕于飛差

初宜反

池其羽之子于歸遠送于野

叶莊羽反

瞻望

弗及泣涕如雨

興也。下二章同。莊姜無子，以陳女歸，為之子。完為已子，莊公卒，完即位，州吁弑之，戴嬀大歸于陳，而莊姜送之。故作此詩。燕，以也。燕燕者，非一燕也。差池，不齊貌。莊姜送戴嬀，嬀燕燕立飛而差池，其羽然，故以爲興。之子，指戴嬀歸大歸也。

燕燕于飛戶結反頤頤戶郎反之子于歸遠于將之瞻望

弗及佇直呂反立以泣

飛而上曰頤，飛而下曰頤。頤頤，則匪但差池而已。興戴嬀之將別，姜遠行也。將送也，不言于野者，送之愈遠而不擇其地也。佇立，久立也。送之不及而不遽歸，思念益深也。

燕燕于飛下上其音之子于歸遠送于南叶尼反瞻望弗及

實勞我心

鳴而日上曰上音鳴而下曰下音蓋莊姜送戴媽而涕泣亦若燕音上下然故承前二章末句之意而以為興陳在詩前復曰送于南者明戴媽所往之國也實勞我心又申言所以涕泣之意此上三章莊姜自敘其送戴媽之情如此

仲氏任

平只音

其心塞淵

叶一均反

終溫且惠淑慎其身先君

之思以勗

四王反

寡人

賦也○末章終美戴媽之德以明前三章所以送之之意仲氏戴媽字以思相信曰任言戴媽之待已如此只諸辭案實淵深美其內溫相惠順美其外終竟淑善也先君謂莊公勗勉也寡人寡德之人莊姜自稱言戴媽常勉已思念莊公不忘也夫戴媽既去曾以先君之思勉其夫人誠可謂賢而莊姜之送戴媽乃以其德如此

亦庶幾情止
乎禮義矣

燕燕四章章六句

日居月諸照臨下土乃如之人兮逝不古處

昌呂反

胡能有

定寧不我顧

叶果五反

比也下三章同○莊公既歿莊姜思之而作此詩婦之事夫猶下土之瞻日月故以爲比下章義同之人指莊公也近語辭或曰往也猶云往者古處以古道相處也胡何也寧猶豈也言莊公爲人無常亦何有一定而豈不我顧乎言其亦有顧我時也夫莊公之待姜已無禮矣及其既歿而復思念其顧我時者忠厚之意也一說寧亦何也何不我顧者若怪而責之之辭亦通

日居月諸下土是冒乃如之人兮逝不相好

呼報反

胡能有

定寧不我報

日履也逝不相好言莊公與已無好合之意所謂不古處也報答也有以答之則必時時顧之矣

日居月諸出自東方乃如之人兮德音無良胡能有定俾也可忘

日且必出山東方月望亦出東方以見其有常反比莊公之無常也德音蓋謂言語辭氣之間曰德者泛辭良善也言莊公待已無良善之德音所謂不相好者如此俾使也俾也可忘言使已思念之不忘也起下章末句意凡詩言德音者非一而其義不同蓋言辭聲名皆謂之德音故篇內註解亦可兩通

日居月諸東方自出父兮母兮畜我不卒胡能有定報我不述

末章復借日月比已之生於父母也。言養卒終也。莊姜不得於夫而歎父母之養我不終。蓋疾痛憂患必呼父母人之情也。遲稱遲也。又言莊公為人無常。雖言顧我報我。曾無幾時。若使其果能報我。我今亦不迷而言之矣。二章曰寧不我報。末又曰報我不逮。反覆思念之辭也。

日月四章章六句

終風且暴顧我則笑謔

許紱反

浪笑敖

五報反

中心是悼

比也。下三章同。○說目前言終風終日風也。暴疾也。比莊公之狂暴也。謔戲言也。浪放蕩也。悼傷也。言莊公事有顧已而笑之時。但皆出於戲慢之意。是以心獨傷之耳。

終風且霾

音埋叶音縑

惠然肯來

叶陵反

莫往莫來悠悠我思

霜雨土也。終日風而且霾。比莊公之狂惑也。惠順也。莫往莫來者言已不往而莊公亦不來。又與惠然肯來時

其矣悠悠思之長也此上

二章言莊公之為人如此

終風且嘒

音

不日有嘒寤言不寐願言則嘒

音

此下二章承前二章言已思莊公之清也陰而風曰嘒有又也終日風而又嘒比已抑鬱之狀如此與前二章比義不同言語詞願思也嘒與嘒也人氣感傷閉鬱則有是疾言已思莊公寤而不寐且有嘒疾以見其思之甚也

嘒嘒其陰虺虺

反

其寤寤言不寐願言則懷

嘒嘒陰貌也虺虺雷將發而未震之聲比義亦同上章但陰而又雷則其陰盛矣比已抑鬱之愈深也懷猶記憶也言其思之甚記憶不忘也則匪但有嘒疾而已由末二章之言觀之莊姜此詩蓋有遭亂自傷之意矣說

詳後

詩錄

終風四章章四句

此上二篇累從毛第
氏義並見後詩雜。

擊鼓其鐙

音湯

踴躍用兵

叶蒲
芒反

土國城漕我獨南行

叶戶
郎反

賦也。下四章同。○徐州吁。紘桓公自立。將合宋陳蔡三
國伐鄭。而先平陳與宋。衛人從軍者。賦其事作此詩。鐙
擊鼓聲。踴躍。坐作擊枹之狀。兵戈戰鬪。踴躍用兵。自言
其所為如此。土國。役土功於國也。漕。衛邑。又言國人未
從軍者。為此城漕之
役也。南行。往陳宋也。

從孫子仲平陳與宋不我以歸憂心有忡

救中反叶
救衆反

此章承首章申言所以用兵及南行之意。以起下三章。
孫氏。子仲。字。時將帥也。平和也。合二國之好也。以。猶與
也。言不與
我歸也。

爰居爰處爰喪

思波其馬

叶滿反

于以求之于林之下

叶後反

爰於也承前章從孫子仲平陳與宋而言見其失伍離次而無闕志前所謂踴躍用兵者蓋謬語耳

死生契

苦結反

闊與子成說執子之手與子偕老

叶魯反

此下二章復承前章申言不我以歸憂心有仲之意也契闊隔絕意猶云離別也子謂其室家成說成約誓也即下文執手偕老之謂言雖當死生離別之時而其約誓如此此始與其室家相期之辭也

于

音吁下同

嗟闊兮不我活兮于嗟洵

音荀

兮不我信

師人反

兮

闕契闊也問信也信申同言今與其室家離別而又有死亡之患所謂死生契闊也然終不能執手偕老昔日之信今不得伸所以憂心有仲者為此故耳

擊鼓五章章四句

凱風自南

叶泥反

吹彼棘心棘心天天

於驕反

母氏劬

其俱反勞

比也。○衛之淫風流行雖有七子之母猶不能安其室
七子自傷而作此詩南風曰凱風長養萬物者以比其
母也棘小木叢生多刺難長心又其稚弱未成者比子
幼弱時天天少好復劬勞困苦也言母生衆子病苦已
甚本其始而言以起自責之端也。

凱風自南吹彼棘薪母氏聖善我無令人

興也下二章同○棘可爲薪則成矣然非美材興子之
壯大而無用也故以聖善稱其母而自謂無令人其自
責深矣我無令人句起下二章意聖獻念善也

爰有寒泉在浚

音峻

之下

叶後反

有子七人母氏勞苦

浚衛邑寒泉在浚之下尙能有所滋益以興子之不
能事其母使母至於勞苦所謂我無令人者如此

現

胡顯曉

華板

黃鳥載好其音有子七人莫慰母心

現院好貌載則也言黃鳥向有好音以與子之不能慰其母心亦所謂無令人也此深自刻責冀其母之感悟而不顯其過可謂孝矣

凱風四章章四句

雄雉于飛泄泄

反

其羽我之懷矣自詒伊阻

興也下章同。○婦人以其君子從役勞苦故以雄雉爲興而作此詩。惟野雞。雉者有冠長尾身有文采善鳴。泄泄飛緩自得之貌。此與其君子行役勞苦。曾雉羽之不若也。思詒遺也。自詒猶云自取。伊阻阻隔也。言與已相遠也。我之懷矣自詒伊阻二句一篇之綱領。

雄雉于飛下上

反

其音展矣君子實勞我心

下上其音又興已之思君子而作詩也展誠也
勞我心謂懷思也此章承首章我之哀矣而言

瞻彼日月悠悠我思道之云遠曷云能來

叶陵之反

默也下章同。瞻彼日月悠悠我思時之阻也道之云遠曷云能來道之阻也所謂伊阻者如此此下二章承首章自論伊阻而言

百爾君子不知德行

下孟反叶戶郎反

不忒

之政反

不求何用不臧

百猶凡也。忒者嫉人之有求者恥已之無臧善也末章之意若誨其君子者然言凡爾君子豈不知德行乎誠無所忒害貪求則何所為而不善彼遠行勞苦之事皆其自取者耳所謂自論伊阻者如此此必其君子居衰亂之世而有位於朝復久從征役勞苦在外故未以歸隱之義誨之曰百爾君子者不斥言其夫也

雄雉四章章四句

施薄交

有苦葉濟有深涉深則厲淺則揭

反苦

比也。下三章同。此蓋隱士之詩。施也。揭之苦者不

可食。但可佩以渡水。然今尚有葉則未可用之時也。濟

渡處也。行渡水曰涉。以衣涉曰厲。寒衣涉曰揭。此比君

子之仕進。當因平時度時之可否而後仕。猶行者量水

之淺深而後渡也。論語荷蕢曰。莫已知也。斯已

而已矣。深則厲。淺則揭。其即取此篇大意也。與

有淵

音

濟盈有鷺

以水反

雉鳴濟盈不濡

反而

軌

音居

有雉鳴求其牡

此章承首章言濟復及雉鳴以爲比。濟水盈貌。雉雄

雞不豈不也。濟濟也。軌車輪也。飛曰離。雄走曰馳。牡言

濟盈豈有不濡其軔者。而願可若雉鳴之求牡乎。蓋濟

盈濡軌。比君子之仕進。非時則反。象其害。雉鳴求牡。比

所與之非其類也。

反善乎

承前章雉鳴求牡。遂言昏姻之禮以爲比。雝雝。聲之和也。屬似鶩。一名陽鳥。隨日南北。昏禮則用之。旭日初出。視逆及汴。散也。昏禮親迎以昏。納采請期以旦。歸妻在冰泮後。而納采請期。迨冰未泮時。比君子之仕進。各有其時。以終首章意也。

招招

部 音

舟子人涉叩

五反

否

叶蒲
美反

人涉卬否卬須我友

羽叶

反映

未章承首章二章言濟遂以舟子爲比招招號召貌舟子舟人主濟渡者卽我須俟也言人皆涉而我獨否以須我友故耳比君子之仕進當從其類終次章意也此篇取義惟兩端三章言士歸妻因次章言雉鳴求牡及之末章言舟子復因首章二章言濟及之篇中雖未明言歸隱之事然曰迨冰未泮又曰人涉卽否卽須我友

其詞意
顯然矣

飽有苦葉四章章四句

此篇舊解
詳後詩義

習習谷風以陰以雨

其尹反

勉同心不宜有怒

叶眠五反

采葑

孚容反

采非

如鬼反

無以下體德音莫違及爾同死

比也。婦人爲其夫所棄故敘其悲怨之情而作此詩。習習和舒也。東風謂之谷風。谷風至而雨澤降。猶夫婦和而家道成。故以爲比。龜勉猶勉勉也。葑蔓菁也。非似菑莖蘆葉厚而長有毛下體根也。葑非根莖皆可食而其根則有時惡也。德音美譽也。違背也。言夫婦之道但能如采葑非者不以其根之惡而棄之則已之顏色雖衰其德音自不違而可以與爾同死矣。首章總全篇大意如此。龜勉同心不宜有怒二句一篇之綱領。

行道遲遲中心有違不遠伊邇薄送我畿

音誰謂茶音苦

其甘如薺

音泚

宴爾新昏如兄如弟

賦而比也。○行道遲遲蓋被棄時其夫送之如此中心有違言其夫之心與已相背也。幾門內也。送止門內者無恩之甚也。茶苦菜。薺屬所以自比。薺甘菜以比新昏也。宴樂也。新昏謂其夫更娶之妻。

涇以渭

音涇

濁湜湜

音其

其止

音止

宴爾新昏不我屑以毋逝

我梁毋發我笱

古口反

我躬不閱遑恤我後

比也。下章同。○涇渭二水名。湜湜清貌。小清曰湜。涇濁渭清。故涇水以渭水合流而形其濁。且益見渭水之清。湜湜其止。然比已顏色之衰不若新昏之美也。屑潔以與也。不我屑以不以我為潔而與之也。逝往也。梁堰石障水而空其中。以通魚之往來。笱以竹為器承梁空取魚者。逝我梁發我笱懼其新昏或改已之故轍也。故假

辭以戒之辭在也此上二章言其夫來已之事切
申首章有怒二字之意所謂以下體達德音也

就其深矣方之舟之就其淺矣泳音之游之何有何亡屈

勉求之凡民有喪音匍音匍音救音之叶居反

此章承首章言其平日勉屈同心之事也就淺就深蓋
比其治家時隨事盡心力而為之不敢少懈也方將舟
船也潛行曰泳浮水曰游匍音匍音手足並行之狀凡民有
喪匍音匍音救之又言周睦鄰里鄉黨之各盡其道如此也
不我能情許六反反以我為讎既阻我德賈音用不售市救反

市周反昔育恐育鞠居六反及爾顛覆芳服反既生既育比予于

毒

賦也○此下二章皆承首章不宜有怒之意而極言之
情養阻却也我德即謂上章勉屈同心之事售賣也賈

用不售如買之不見售也育養鞠窮也育恐育鞠者相
養於恐懼困窮之時也及爾猶倚爾也比予于毒言被
棄也

我有旨蓄

勅六反

亦以御

魚呂反下同

冬宴爾新昏以我御窮有

洗有潰

戶對反

既詒我肄

音異

不念昔者伊余來塋

許器反

興也。旨美蓄聚御當也言平日蓄聚美菜本以備冬
月之闕乏喻已之御窮也故以為興洗武貌猶云暴也
潰怒色肆勞也蓋其夫怒已遺以勞苦之事所謂有怒
也塋息也猶云居也又言不念昔者我初來汝家時當
與爾有勉勉同
心之好如彼也

谷風六章章八句

式微式微胡不歸微君之故胡為乎中露

賦也。下章同。○黎侯失國，寓於衛，其臣難之，歸而作此詩。式，發語詞，微，猶衰也。再言之者，言衰甚也。微君之躬，猶非也。中露，露中也。言有霜濡之辱，無所比覆也。

式微式微胡不歸微君之躬胡為乎泥中

泥中，言有陷溺之危，不見拯救也。比中露為尤辱矣。中露泥中，亦賦中有比義。

式微二章章四句

旄

音毛

丘之葛兮何誕

徒早反

之節兮叔兮伯兮何多日也

興也。○黎之臣子，久寓於衛，故因所見起興而作此詩。前高後下曰旄，邱，誕，誕也。葛長大而節疎闊，喻寓衛之久而不見救，故以為興。叔伯，謂衛諸臣。詩本責衛君，而但斥其臣，其旨微矣。何多日也，句起下二章意。

何其處也必有與也何其久

叶舉反

也必有以也

賦也。下二章同。○承首章而言。處安處不來救也。與與國也。久謂多日。以他故也。

狐裘蒙戎。匪車不東。叔兮伯兮。靡所與同。

大夫狐裘蒙戎。龜貌。又承前章而言。客久裘敝。匪我之車不東。則已無他故矣。靡所與同。又言其無與也。乃不我救。何為乎。

瑣

素果

兮尾兮流離之子。叔兮伯兮褻

由救反

如充耳

瑣。細尾末也。流離。漂散也。黎君臣失國之狀如此。褻多笑貌。充耳。塞耳也。耳聾之人。恒多笑。褻如充耳。言無聞也。此終首章之意。其所。以責衛之諸臣者深矣。

旄丘四章章四句

簡兮簡兮。方將萬舞。日之方中。在前上處

上聲

賦也。下三章同。○賢者不得志仕於伶官而自賦其事，作此詩。儀，擇也。言將舞時，擇人使爲之也。萬舞之總名。武用干戚，文用羽箭也。日之方中，則得其時在前上處，則得其地，皆謂明顯也。

碩人俟俟

疑矩反

公庭萬舞，有力如虎，執轡

悲位反

如組

音祖

碩，大也。碩人，詩人自謂俟俟，大貌。公庭，卽在前上處也。轡，今之韉也。組，總絲爲之。御能使馬，則轡柔如組矣。言其才無所不備，不但善舞已也。若自舉而實自明之辭。

左手執籥

餘若反

右手秉翟

音笛叶直角反

赫如渥

於角反

赭

音者公言

錫爵

執籥秉翟，文舞也。籥如笛六孔，或曰三孔。翟，雉羽也。赫，赤貌。渥，厚漬也。赭，赤色。言其容貌之盛如此。錫，賜也。公嘉美之而賜之飲也。此上三章自敘其伶官之事，而自舉如此，皆玩世不恭之意耳。

山有榛

側巾反

隰有苓

音零

云誰之思西方美人彼美人兮西

方之人兮

興也。○末章承前三章之意而詠歎之榛似栗而小下
淫曰隰苓同藟一名大苦葉似地黄即今甘草山有榛
隰有苓興西方之有美人也西方美人喻西周盛王蓋
賢者不得志而思周室之盛故其言如此而意深遠矣
簡兮四章三章章四句一章六句

悲位

反

彼泉水亦流于淇有懷于衛靡日不思變

力轉反

彼

諸姬聊與之謀

叶謀悲反

興也。○衛女嫁於諸侯父母終思歸寧而不得故作此
詩。○泉始出貌泉水即百泉淇亦水名在衛西南東流
泉水自西北來注之二水皆在衛境故以爲興變好貌
諸姬同姓女即諸姑伯姊也。○且也謀謂歸寧之謀如

曰二章所云也鄭氏曰國君夫人父

母在則歸寧殷則使大夫寧於兄弟

出宿于沛

子禮反

飲餞

音踐

于禰

乃禮反

女子有行遠

去聲

父母兄

弟待禮

問我諸姑遂及伯姊

賦也下二章同○此章承首章言其始嫁之事也沛禰

皆地名蓋自衛始嫁來時所經之處也餞送也古行者

有祖道之祭祭畢送者飲於其側曰飲餞父之姊妹曰

姑先生曰姊諸姑伯姊謂同姓文出嫁於他國者同則

使人問之蓋以其尊長於已故欲問之以訪其禮然亦

假設之辭耳非必實有是事也舊解諸姑伯姊謂從

姪姊然既曰姪姊

即恐非姑姊謂矣

出宿于干

叶居焉反

飲餞于言載脂載率

胡賸反叶

還

音旋

車言

適適

市專反

臻于衛不瑕

音遐

有害

承前章遂言今欲歸之意。干言亦皆地名。謂今適衛時
所經載則也。脂以脂塗車。車使清澤也。車謂設車也。既
以脂塗之。而又設之也。車轄。車軸頭金也。不駕則脫
之。設之而後行。還旋也。旋其嫁來之車也。適往適疾。疾
至也。瑕何古音相近。通用不同。言豈不也。害害於義
也。末句疑而不敢遂之辭。此上二章言其與諸家謀者
此如

我思肥泉茲之永歎

叶宅涓反

思須與漕

叶但侯反

我心悠悠駕言

出遊以寫我憂

末章承前二章言謀欲歸衛而卒不敢歸。然其憂思之
情終不能自己也。肥泉水名。永長也。須漕皆衛邑。寫除
也。

泉水四章章六句

詩本傳

龜山楊氏曰衛文思歸發乎情也其卒不歸止乎禮義也聖人著之經以示後世使知道異國者父母終無歸寧之義云

出自北門憂心殷殷終窶

其矩反

且貧莫知我艱

叶居反

已焉

哉

叶將其反下同

天實爲之謂之何哉

賦也下二章同○衛之賢者仕於亂世而不得其志故作此詩殷殷憂也窶貧難爲禮也終窶且貧莫知我艱二句起下二章意

王事適我政事一埤

避支反

益我我入自外室人交徧謫

知

反我已焉哉天實爲之謂之何哉

王事王命使爲之事適之也政事其國之政事一猶皆也埤厚謫責也自言其勞於政事如此亦已艱矣况復

貧窶之甚。至於室人無以自安。果誰知之哉。

王事敦

都回反

我政事一埤遺

去聲叶夷回反

我我入自外室人交

徧摧

徂回反

我已焉哉天實爲之謂之何哉

敦猶投擲也。比前章又有陵虐之意。還加也。言盡加之不止於益矣。掘沮也。挫折沮抑之。又甚於譴也。

北門三章章七句

北風其涼雨

去聲

雪其雱

普康反

惠而好

呼報反

我攜手同行

叶戶

郎其虛其徐

舊本作邪爾雅釋訓作徐今从之

既亟只

音且子餘

比也。下二章同。此亦衛之賢者所作。北風寒涼之風。涼寒氣也。雲盛貌。北風雨雪。比國家之危亂也。惠愛也。同行者同避去之也。虛寬貌。徐緩。亟急也。只且語辭。言是尙可以寬徐乎。蓋其禍亂已興而去不可不速矣。

北風其階

音皆叶
居奚反

雨雪其霏

芳非反

惠而好我攜手同歸其

虛其徐既亟只且

噴疾聲風有疾聲則愈暴矣霏分散貌又言
雨雪極盛之狀如此歸者去而不反之辭

莫赤匪狐莫黑匪烏惠而好我攜手同車其虛其徐既亟

只且

狐獸名似犬黃赤色烏黑色皆不祥物見者無非此物
其危亂可知較前二章比義更切同行同歸猶賤者也
同車則貴者亦
去而國無人矣

北風三章章六句

靜女其姝

亦朱反

俟我於城隅愛而不見搔

蘇刀反

首脚

直知反

嘒

反 祖未

賦也。下二章同。○此男女淫奔期會之詩。靜則雅意殊美也。淫女曰靜姝者。其人自相愛美之辭。城隅。幽僻之處。踟躕。徘徊。踟躕也。首章言其期而未見之時。

靜女其變

力轉反

貽我彤

音同管

克反

彤管有煒

音偉

說音悅

音亦

女美

此下二章皆言其既見之後也。變好貌。彤管。蓋女子所佩之物。毛傳曰。古者有女。史彤管之法。鄭氏謂彤管筆。赤管。廬陵歐陽氏云。古者鍼筆皆有管。煒。赤貌。

自牧歸荑

徒兮反 叶去聲

洵美且異

音汝

之為美

音異

同

牧外野也。歸亦歸也。莧菜，婦生者，無信也。夫指其地而歸，首章曰：城隅。此章曰：自牧。則期會者非一地。前章曰：歸形管。此章曰：歸莧。則遺贈者非一物。因城隅而及牧地，愈遠而注愈肆矣。降形管而言莧，物愈微而情愈深矣。其風不已甚乎。

靜女三章章四句

新臺有泚

音此河水瀰瀰

莫爾反

燕婉之求

音條

不鮮

斯

反叶想
止反

賦也。下章同。衛宣公為其子伋娶於齊，聞其美，欲自娶之，乃作新臺於河上以要之。國人惡而刺之，故作此詩。泚，鮮明也。瀰瀰，水盛也。燕，安婉順也。遂條，不能俯疾之醜者。蓋遂條本竹席之名，或緇以爲困，狀如人之擁腫，不能俯故以名此疾也。鮮少也。言齊女本求與伋爲好合，今反得宣公醜惡之人，何哉。

新臺有酒

七罪反叶
先典反

河水浼浼

每罪反叶
美辨反

燕婉之求

不殄

徒美反

酒言峻也。浼浼平也。水盛極則平矣。殄絕也。首章不殄以今日言。此章不殄以後日言。

魚網之設鴻則離之燕婉之求得此戚施

興也。○末章承前二章之意以爲興。鴻鴈之大者。離也。設魚網而反得鴻。猶齊女本求伋而反得宣公醜惡之人也。戚施不能仰亦疾之醜者。

新臺三章章四句

二子乘舟汎汎其景

同影叶
舉兩反

願言思子中心養養

以兩反

賦也。下章同。○宣公納伋之妻是爲宣姜。生壽及懿。與宣姜怨伋於公。公令伋之齊使賊先待於隘而殺之。

詩經知之以告侯侯去之侯曰君命也不可以逃焉其
節先往賊殺之侯至曰君命殺我焉有何美賊又殺之
國人傷之而作此詩二子謂侯壽也乘舟渡河如齊也
景古影字養養猶漾漾憂無定貌心漾漾者憂其被逮
於賊也起下章末句意

二子乘舟汎汎其逝願言思子不瑕音遐有害

逝則既去而不見其景矣取何也不何有害疑其有害也

二子乘舟二章章四句

衛上十九篇七十二章三百六十三句

汎彼柏舟在彼中河徒坎反彼兩髦音毛實維我儀叶牛之反

死矢靡它湯何反母也天叶鑑反只音祗不諒人只

與也下章同○衛世子其伯蚤死其妻共姜守義姜母欲奪而嫁之故作此詩以自誓中河河中也舟在中河而無他往猶女子之事夫無他適故以爲興髮垂貌兩髦翦髮夾鬃子事父母之飾親死然後去之指共伯也我共姜自我僕匹之至矢誓靡無也只語辭諒信也言母又言天者若天亦有此意不專著其母之失也不及父者疑時獨母在或非父意耳

汎彼柏舟在彼河側髮彼兩髦實維我特之死矢靡慝得反母也天只不諒人只

河側比河中爲近矣特亦匹也然特又有孤特之義言其匹不可他求也慝邪也以他適爲慝則絕之甚矣

柏舟二章章七句

牆有茨反不反可反塈反也中反講反之言不可道反

詩本傳

也所可道也言之醜也

興也下二章同○宣公卒惠公幼其庶兄頑烝於宣姜國人作此詩刺之茨蒺藜蔓生細葉子有三角刺人興宣姜與頑之淫惡也葦謂屋之材木交積者中葦宮中隱與處也道言醜惡也

牆有茨不可束也中韋之言不可詳也所可詳也言之長也

襄除也除者埽之既盡詳詳言之也則匪但道之而已言之長則其醜益著故不可詳

牆有茨不可束也中韋之言不可讀也所可讀也言之尋也

束者埽除之後終束而去之也謂誦言也有吟誄反覆之義又匪但詳之而已尋則醜之甚也

牆有茨三章章六句

龜山楊氏曰公子頑通乎君民聞中之言至不可諫其汚甚矣聖人何取焉蓋自古淫亂之君自以為固門之事世無得而知者故自肆而不反聖人著之於經使後世為惡者知雖聞門之言亦無隱而不彰也其為訓戒深矣

君子偕老副笄

音六

珈

音加叶居河反

委委

於危反

佻佻

待河反

如山

如河象服是宜

叶牛何反

子之不淑云如之何

駭也下二章同○此刺宜姜之詩偕老偕其君子老死無他適也首言夫人之德如此所以刺宜姜之不然也副祭服首飾編髮為之笄衡笄垂副兩旁當耳其下以欲懸與如玉之加笄為飾者皆夫人之服也委委佻佻雍容自得之貌如山安重貌如河弘廣貌皆言其有威儀也象服法度之服宜綉稱也蓋必有夫人之德然後

乃稱其服也淑善也言宜美所爲之不善乃如彼
是服亦將知之何哉起下二章意此章則并衆服而言
夫人服也與下二章其之翟其之展義不同故此章
備美夫人威儀之盛而下二章但以宜美容貌言之
此音兮此兮其之翟叶夫翟或云儀兮翟與等也音反

髮如雲不屑鬢徒帝反也王之瑱吐殿反也象之栞敕帝反也揚

且子餘反之哲星歷反从析从白與也胡然而天也胡然而

帝也

玼鮮盛貌翟衣祭服刻繪爲翟雉形彩畫之以爲飾所
謂衆服也下章展衣同其之翟者其指宜美言宜美衣
此夫人之翟服也髮髮黑也如雲多且美也肩潔也髮
髮也人髮少以髮益之不屑鬢者不以髮爲潔而用
之也瑱塞耳也象象骨也接所以摘髮者提肩上廣也
目語辭皙白也帝天猶云鬼神蓋宜美服飾容貌之美

如此見者驚發鬼神其易惑人可知曰胡然者言何為
如此乃深疾之之辭此下二章皆承首章末子之不淑
云如之何二
句之意而言

瑳七我反兮瑳兮其之展陟職反叶也蒙彼絺傷教反絺是絳

息列薄幔反叶裋汾乾反也子之清揚揚且之顏也展如之人兮

邦之媛于眷反叶也

瑳亦鮮盛也展衣升袞為之以禮見君及賓客之服蒙
覆也絺絺絳之屬麗者當暑則服之絺裋束縛意以展
衣蒙絺絳而為之繼裋所以自斂飾也清目清明也上
揚目視揚也下揚眉上廣也顏額角豐滿也展誠也美
女曰媛又言宣姜之服飾容貌如此
邦之美色耳豈得謂有夫人之德哉

君子偕老三章一章七句一章九句一章八句

爰采唐矣沫

音妹

之鄉矣云誰之思美孟姜矣期我乎桑中

叶諸良反要於送

我乎上宮

叶居王反

送我乎淇之上

叶辰羊反

矣

賦也下二章同。○衛俗淫亂世族在位相竊妻妾故賦其事而作此詩唐葉菜一名兔絲沫衛邑孟長也。漢齊女言貴族也桑中上宮淇上又沫鄉中小地名要猶迎也此人自言與其所思之人期會迎送如此而先言采唐亦賦中有興義也下采麥采葍同一說此非淫奔者自言葍國人見其事而賦之我者詩人代辭也亦通

爰采麥矣沫之北矣云誰之思美孟弋矣期我乎桑中要

我乎上宮送我乎淇之上矣

麥穀名秋種夏熟者弋春秋或作如蓋杞女夏后氏後亦貴族也

爰采葍矣沫之東矣云誰之思美孟庸矣期我乎桑中要

我乎上宮送我乎淇之上矣

葑蔓菁也。庸未開疑亦貴族。此篇惟以采唐采麥采葑及孟姜孟弋孟庸三章分舉言之。而無前後淺深相承之義。後詩多同此例。讀者詳之。

桑中三章章七句

鶉

音純

之奔奔鶉之疆疆

音姜

人之無良我以爲兄

叶盧王反

興也。下章同。○衛人惡宣姜與頑之淫惡。故設爲惠公言刺之。而作此詩。鶉屬奔奔。疆疆。居有常匹。飛則相隨之貌。宣姜與頑之非耦相從。會鶉鶉之不若也。故以爲興。人謂衛頑良善也。

鶉之疆疆鶉之奔奔人之無良我以爲君

人謂宣姜君小君也。兄比母爲卑矣。先兄後君者。蓋以下烝上。則頑惡爲首。故特先刺之。

鴉之奔奔二章章四句

范氏曰宣姜之惡不可勝道國人疾而刺之或婉言焉君子借老是也或切言焉鴉之奔奔是也衛風至此人道盡天理滅其國隨以亡矣

定音訂之方中作于楚宮揆之以日作于楚室樹之榛栗椅

反於宜桐梓漆爰伐琴瑟

賦也下二章同○衛爲狄滅文公徙居楚邱營立宮室國人美之而賦此詩首章先言其作宮室之事也定營室星昏正中夏十月也於是可以營制宮室故曰營室楚宮楚邱之宮揆度也度日出入之景以定東西又參日中之景以正南北也室猶宮也鄭氏曰宮宗廟室居室禮記營宮室宗廟爲先居室爲後榛栗二木名其實榛小栗大可供蓬實椅梓實桐皮桐梧桐也梓楸之木理白色生子者漆木有液黝黑可飾器物四木皆琴瑟

材爰于也此言文公因時度地而作宮室復樹之木以備器用見其制度宏遠不求近功也

升彼虛

起居反叶起反

矣以望楚矣望楚與堂景

音影

山與京

叶居

良反降觀于桑卜云其吉終焉

一作然

允臧

此章言建國居民之事虛故城謂清虛也清與楚邱相近堂楚邱旁邑故皆登清望之景測景以正方面也此謂建國時與首章揆日義不同京高邱也桑木名葉可飼養降觀于桑盡擇其地之宜桑者以居民也允信臧善也言卜兆告吉終獲其善也

靈雨既零命彼倌

音官

人星言夙駕說

始發反

于桑田

叶徒反

匪

直也人秉心塞淵

叶一

駮

音來

牝三千

叶舍新反

末章又言建國之後文公勤於民事之意靈善零落也方春而時雨降故曰靈雨倌人主駕者星雨止星見也

咸早也說舍止也桑田即降觀之處稅桑田者往勞農也直猶但也秉操塞實淵深也馬七尺以上為騂未復款美文公言匪但其人之德有足稱也即其國之殷富已至於騂牝三千之盛矣蓋惟秉心塞實淵深者能致遠大之業而不為淺近之謀故要其終言之所謂終焉九藏者如此

定之方中三章章七句

按春秋傳衛懿公九年冬狄入衛懿公及狄人戰於葵澤而敗死焉宋桓公迎衛之遺民渡河而南立戴公申以廬於漕是年卒弟文公燮立於是遂徙居楚邱文公大布之衣大帛之冠務材訓農通商惠工教勸學授方任能元年革車三十乘季年乃三百乘

蝦

丁計

蠅

都動

在東莫之敢指女子有行遠

去

父母兄弟

比也下章同此刺淫奔之詩蝦蠅虹也日與雨交倏然成質隨日而映朝西暮東此天地之淫氣故以此淫

奔之行其之敢指者深惡之辭又言女子既嫁遠其父母兄弟以見其不可不顧義理而冒行也起下末章意

朝隋子西反于西崇朝其雨女子有行遠兄弟父母叶蒲補反

隋升也虹之忽見如自下升也首章言暮見此章言朝見兩章對舉其義不同崇終也從旦至食時為終朝方雨虹見則其雨終朝止矣此所以人惡之而莫敢指也

乃如之人也懷昏姻也大無信叶斯人反也不知命叶彌并反也

賦也○乃如者轉語辭之人指淫奔者懷思也程子曰女子以不自失為信命正理也末章直刺其人如此以結上兩章之意

蝦蟇三章章四句

相息亮

鼠有皮人而無儀

叶牛何反

人而無儀不死何為

何反

比也下二章同此刺無禮之詩相親也鼠尚有皮則人不可以無儀故比言之不死曰何為辭猶殺也

相鼠有齒人而無止人而無止不死何俟

叶羽已反

止容止也或曰齒有次序義故以為比俟待也曰何俟則其言更切矣

相鼠有體人而無禮人而無禮胡不遄死

市專反

體支體也禮謂品節之全者比儀止為詳矣人之有禮猶有體也故以為比遄速也胡不遄死者終歸決之之辭此詩所謂蓋居位有民望者故以無儀無止無禮刺之毛鄭氏舊解云刺大夫理或然也

相鼠三章章四句

子子

居熱反

干旄

音在浚反

蘇晉反

之郊素絲紕

符至反

之良馬四

之彼姝赤朱反者子何以卑必寐反之

賦也。下二章同。○衛大夫建旗旌，乘車馬，往浚邑之郊，以見賢者，故因人賦其事。美之。子子，特出，親于旌，以旌牛尾。注：旌，干之首也。孔氏曰：周禮九旗，首皆有旌。程子亦曰：注旌，干首，凡旗皆然。浚，衛邑。邑外曰郊。緹，織組也。以素絲織組，緹旗之游終也。四馬，兩服兩驂。衛大夫所乘者，姝，美也。子，謂賢者，與與也。

子子干旗音餘在浚之都素絲組音祖之良馬五之彼姝者子

何以予音之

旗，旗名。烏竿為旗，其制上設旄羽，下繫游終，皆畫鳥集。下邑曰都。都比郊為近矣。組，即所織以緹旗之游終者。變四馬曰五。馬言其盛也。

子子干旌在浚之城素絲祝之良馬六之彼姝者子何以

告音之

旌亦旗名析羽為旌朱氏備善曰此非旗名乃即謂旗也以其注旄于首謂之干旄以其析羽謂之干旟按朱氏說亦通蓋旗上備設旌旄一物而三章分言之互文耳城都城也安都言城則又近矣視屬也以相維旗之許參使連屬也首章言紕次言細末言視亦互文六馬言其又盛也告之以善道告之也賢者所以與予其大夫者此耳此結前二章之意或曰詩言乘車惟四馬此篇五馬六馬蓋饋賢之禮非大夫所乘也首章四馬同干旄三章章六句

載馳載驅叶祛尤反或云如字首句不用韻歸唁音衛侯驅馬悠悠言至

於漕叶徂侯反大夫跋蒲木反涉我心則憂

賦也下三章同○宣姜女為許穆公夫人閔衛之亡欲歸寧而不得故賦其意作此詩載則也弔失國曰唁悠

悠遠貌。草行曰踐，水行曰涉。夫人自言歸，衡至於漕邑而許大夫追之，乃為假設之辭，而發其端，以起下三章之意。

既不我嘉，不能旋反。視爾不臧，我思不閔。旋，濟視爾不臧，我思不閔。

承首章而言。嘉，臧皆善也。不我嘉者，不以我歸為善也。遠，猶忘也。濟，渡水也。閔，閉也。止也。此謂其大夫之能涉彼阿丘，言采其蕓。音育叶。女子善懷，亦各有行。郎反。許

人尤之衆穉。

直吏反。且狂。

前章言我思不止，故復假他事以舒其情。偏高曰阿邱，蕓，貝母也。善懷，多憂思也。行道也。女子善懷，亦各有道者。如下章所云。尤，過也。謂許人穉狂者，以其不知已之情故耳。然卒不敢歸，豈真云穉狂哉。末四句，亦謂其大

夫之

我行其野芃芃

蕭紅反

其麥控

苦貢反

于太邦誰因誰極大夫

君子無我有尤

叶于其反

百爾所思不如我所之

野謂衛野行其野則至衛矣芃芃盛貌控持而告之也因如四魏莊子之因極至也言將為衛擇大邦而控告之以圖其救果何所因而何所至乎所謂女子善懷亦各有行者如此之往也此章皆謂其大夫之饒

載馳四章二章章六句二章章八句

事見春秋傳

衛中十篇二十九章百七十六句

贈彼淇奧

同漢於六反

綠竹猗猗

於宜反叶於何反

有匪君子如切如

磋七何反如琢音卓如磨瑟兮反憇反赫兮反喧况晚反兮有匪

君子終不可諛况元反叶兮况遠反

興也下二章同○衛人美武公之德而作是詩首章先言其修德之功而次及其容貌威儀之盛也淇水名與隈也綠色也淇上多竹漢世猶然所謂淇園之竹是也倚倚美盛貌綠竹倚倚與君子之德也匪斐通文貌君子謂武公治骨角者既切以刀斧復磋以鐵錫治玉石者既琢以槌鑿復磨以沙石如之者言其好學自修而循序漸進有加無已之意亦所以爲比也瑟矜莊貌憇威嚴貌赫盛大也喧宣著也蓋其德修於內而見於外容貌威儀之盛又如此瑟憇亦以其容貌言之故下章承會弁如星之下大學言恂慤者亦謂敬之在外者耳諛忘也盛德至善民之不能忘也

瞻彼淇奧綠竹青青反子丁有匪君子充耳琇音瑤瑩音營會音外

反升皮變

如星瑟兮個兮赫兮喧兮有匪君子終不可諛

兮

此章承首章言容貌威儀之意而推廣之青青堅剛茂盛之貌綠竹青青又與君子外見之美也充耳瑱也瑩美石也天子玉瑱諸侯以石會縫也弁皮弁以玉飾皮弁縫中狀如星也蓋美其服飾之盛如此而後及其威儀故復取前章之語而重誅歎之也

瞻彼淇與綠竹如簣音責有匪君子如金如錫如圭如璧寬

兮綽兮猗於猗反重平聲較古岳反兮善戲謔兮不為虐兮

末章承前二章而美其德之成也簣棧也竹之密似之盛之至也此又與下文成德之意金銀象德之精純圭璧喻德之溫潤亦比義也寬宏裕也綽開大也猗倚也較兩椅上出軌者謂車兩旁也倚重較除其寬也言其

威儀之極盛動容周旋自然中禮盛德之至也

淇與三章章九句

按國語武公年九十有五猶歲傲於國曰自卿以下至於師長士苟在朝者無謂我老耄而舍我必恪恭於朝以交戒我遂作懿戒以自儆由此觀之則武公之能修德可知而此篇詩人亦可謂善言其君者矣

考槃在澗

叶居賢反

碩人之寬獨寐寤言永矢弗諼

音賢

賦也下二章同○賢者隱居自樂故作此詩美之考槃也槃器名蓋扣之以節歌如鼓盆拊缶之類山夾水曰澗碩大也碩人謂賢者寬廣也澗有寬廣意故其言碩人亦曰寬永長矢誓諼忘也永矢弗諼言自誓不忘此也

考槃在阿碩人之適

音科

獨寐寤言永矢弗過

平聲

曲度曰阿謂在山下在阿則稱出矣通義未詳或曰詩作優頌美貌阿有美意故其言頌人亦曰優歌長言之也末矢弗過言自誓所願不過此匪但弗忘而已

考槃在陸碩人之軸

直六反

獨寐寤宿永矢弗告

音谷

高平曰陸在陸則益在外矣軸盤桓不行之意陸有行義故言其軸所謂隱也寤宿已覺猶臥也并不歌與言矣弗告者不以此樂告人也又匪但弗過而已

考槃三章章四句

碩人其頤

音新衣聲

錦駉

苦過反

衣齊侯之子衛侯之妻東宮

之妹邢

音邢

侯之姨譚

徒南反

公維私

賦也下三章目○春秋傳曰莊姜美而無子衛人爲之賦碩人卽謂此詩碩人謂莊姜頤長貌錦文衣也駉相

也。錦衣加襲，為其文之大著也。首言莊姜始來嫁時容貌衣服之盛如此，以起末二章意。東宮齊大子得臣，祭大子言者，明與同母也。女子後生曰妹，妻之姊妹曰嬀，姊妹之夫曰私。邢侯，譚公，皆莊姜姊妹之夫，互言之也。此又極稱莊姜族類之貴，明其為正嫡。小君以禮言之，宜見親厚於莊公也。

手如柔荑徒今反，膚如凝脂，領如蝤蛴，齒如瓠犀。

西螭音泰首蛾眉，巧笑倩兮，美目盼兮。我波反 七葦反 匹見今反

茅始生曰荑，言其柔而白也。凝脂，脂寒而凝，亦言白也。領，頸也。蝤蛴，木中蝎蟲，白而長者，比其頸之美也。瓠犀，瓠子，方正潔白，比次整齊，亦比其齒之美也。螭，蟬而小，其額廣而方正，蛾，蠶蛾，其眉細而長，曲，倩，口輔好也。盼，目黑白分也。言莊姜容貌之美如此，以世俗之情，詩之亦宜見親幸於莊公也。柔荑，凝脂，蝤蛴，瓠犀，螭，蟬，皆以為比，亦賦中有比義。

碩人敖敖

五刀說音反

于農郊四牡有騶朱幘

乎二反 鑄鑄

反

翟茀

音弗以朝音

大夫夙退無使君勞

此章承前二章遂言莊姜來嫁之事敖敖長貌說舍也農郊近郊也四牡車四馬也騶壯貌幘鑄飾也鑄者馬銜外鐵人君以朱纁之鑄鑄盛貌翟翟翟車也夫人以翟羽飾車茀蔽也婦人之車前後設蔽夙早也大夫夙退無使君勞者恐不得與夫人相親也言其鄭重如此以見今之不然也

河水洋洋北流活活

古閑反

施罝

音孤

濊濊

呼活反

鱣鱣

音鱣占鱣反於軌

發發

補未反

葭

音加反

揭揭

其謁反

庶姜孽孽

魚竭反

庶士有

揭

欺列反

末章承前章亦美莊姜來嫁之事也河在齊西衛東北流入海洋洋盛大貌活活流貌施設也罝魚罟也濊濊

罟入水聲。鮒大魚黃色。銳頭。口在頰下。背腹有甲。大者千餘斤。鮒似鮒而小。色青黑。發發盛貌。莫亂也。亦名荻。揚揚長也。此言河水之盛。物產之多。以見齊地之廣饒也。庶姜謂姬娣。孽孽盛飾貌。庶士謂勝臣。揚武貌。又言夫人之來。士女佼好。禮儀盛備如此。其宜見親厚明矣。而莊公不然。其昏惑不已甚乎。

碩人四章章七句

氓

莫耕反

之蚩蚩

音裁

抱布貿

莫豆反

絲匪來貿絲來即我謀

叶謀

悲

送子涉淇至于頓丘

叶註奇反

匪我愆期子無良媒

叶謀

將

七羊反

子無怒秋以為期

賦也。下章同。○註婦為人所棄而自賦其意作此詩首章二章述其始相從之事也。氓民也。男子不知誰何之稱。蚩蚩無知貌。皆怨而鄙之之辭。布幣貿買也。貿絲蚩。初夏時頓丘地名。愆過也。愆期者。始會約而今過也。也。

得願也請也此與

其人再約之辭

乘彼坵

俱毀反

垣音袁

以望復關不見復關泣涕漣漣音既見

復關載笑載言爾卜爾筮體無咎言以爾車來以我賄音

反遷

乘升境災垣牆也復關男子所居龜曰卜若曰筮體卦兆之體賄財遷徙也言徒往從之也

桑之未落其葉沃若于

音吁下同

嗟鳩兮無食桑甚

音甚叶于知林反

嗟女兮無與士耽

都南反叶持林反

士之耽兮猶可說也女之耽

今不可說也

比而興也。此章承前二章之意而嗟歎之以起下章沃澤貌桑葉沃若此女色之美而未衰也鳩鵲鳴似

山雀而小，短尾青黑色，多聲，甚柔實也。鳩食甚多，則醉。與女與士耽，則不潔也。耽，樂也。說解也。士可說而女不可說者，以其被棄之後，欲自悔而不得，如下二章所示也。

桑之落矣，其黃而隕。

韻謹反。叶於貧反。

自我徂爾，三歲食貧。淇水

湯湯。

音漸。音尖。

車帷裳，女也不爽。

叶師莊反。

士貳其行。

下孟反。叶戶郎反。

士也罔極，二三其德。

比也。○此下二章承前章遂言今被棄之事。隕，落也。桑之隕落，比己之色衰也。徂，往也。湯湯，水盛貌。漸漬也。帷裳，車飾，亦名車容。婦人之車有之。淇水，湯湯，漸車帷裳。又言已初來時事如此。夫三歲雖遠，車裳猶在，其可忘乎。爽，差極至也。罔極，猶云無底止，不可料度意。

三歲爲婦，靡室勞矣。夙興夜寐，靡有朝矣。言既遂矣，至于

暴矣兄弟不知咥

音戲

其笑矣靜言思之躬自悼矣

誠也。○靡不也。靡室勞者言不以室家之事為勞也。夙早興起也。靡有朝者不有暇旦也。暴暴戾也。咥笑貌。

及爾偕老老使我怨淇則有岸陽則有泮

音畔

總角之宴言

笑晏晏信誓旦旦不思其反

叶去聲

反是不思亦已焉哉

叶將

反黎

賦而興也。○末章承前二章極言其悔恨之意如此也。

及與也。言我本期與爾偕老不知老而見棄徒使我怨

也。泮同畔。涯也。淇有岸陽有泮與下文信誓不反之意

總角女子未笄結髮為飾也。晏晏和柔也。且且猶云日

日反復也。言

踐其前約也。

氓六章章十句

籟籟

音

竹竿以釣于淇豈不爾思遠莫致之

賦也下三章同。衛女嫁於諸侯思歸寧而不可得故作此詩。籟籟長而殺也。竹。衛物。淇。衛水。爾。指竹竿釣淇水言。豈不爾思遠莫致之二句起下三章意。

泉源在左淇水在右

叶羽反

女子有行遠父母兄弟

去聲

承首章言淇水而復及泉源泉源即百泉在衛西北東南流入淇故曰在左淇在衛西南東流與泉源合故曰在右女子有行遠父母兄弟申首章所以遠莫致之意如此

淇水在右泉源在左巧笑之瑳

七可反

佩玉之儺

乃可反

此下二章復設言歸寧之意以見其思之之甚也瑳鮮白色笑而見齒其色瑳然也儺行有度也言歸衛而笑語遊戲於二水之閒也

淇水瀼瀼

音檜 音怪

楫松舟駕言出遊以寫我憂

瀼瀼流貌檜木名似柏楫所以行舟也前章及此復承首章豈不爾思之意而言末章止及淇水不言泉源者舉此以見彼亦因首章為義耳

竹竿四章章四句

芄蘭之支童子佩觿

許規反

雖則佩觿能不我知容兮遂

兮垂帶悸

其季反兮

興也下章同○此蓋刺衛俗之詩衛俗有童子被成人之服者故以芄蘭為興而刺之芄蘭草名一名蘼靡又生於之有白汁可啖友枝同芄蘭之支與童子之幼也下章芄蘭之葉義微此蘼雖也象骨為之所以解結成人之佩也能不我知言其才能不足以知我也容容貌遂成也悸帶垂貌言奈何成就此成人之容貌而垂帶

停兮也此直
刺之之辭

芄蘭之葉童子佩韞失涉反雖則佩韞能不我甲容兮遂兮

垂帶悸兮

韞決也象骨爲之將射著右手大指以鉤弦圖禮鄭氏
云沓也即大肘所謂朱極三也朱韞爲之以象沓右手
食指將指無名指也甲長也能不我甲者又言其才能
不足長於我也此篇兩章惟以童子佩韞童子佩韞二
者分舉言之見其被成人之服而
例其餘耳詩意畧同前桑中篇

芄蘭二章章六句

此篇朱子傳解從閔
今補之義見後詩義

誰謂河廣一葦葦鬼反杭之誰謂宋遠跋邱鼓反予望叶武之

賦也下章同。○宣姜女爲宋桓公夫人，生襄公而桓公出之歸於衛。襄公卽位，夫人思之，然嗣君承父重，與祖爲體，母出與廟絕，不可私反，故賦其意作此詩。燕燕，屬杭，渡也。衛在河北，宋在河南，言非宋遠而難至也。但義不可得往耳。

誰謂河廣曾不容刀，誰謂宋遠曾不崇朝。

小船曰刀，不容刀言其小，所以一羣可杭也。崇，終也，行不終朝言其近，不特跋望之而已。

河廣二章章四句

范氏曰：夫人之不往，義也。天下豈有無母之人哉？爲襄公者，將若之何？生則致其孝，死則盡其禮而已。

伯兮

反邱列

分邦之桀，今伯也執殳。

反市朱

爲去

聲王前擊

賦也。下章同。○婦人以其夫久從征役而思念之，故作此詩。伯，婦人目其夫之字也。殳，武戢，才通人也。殳，晨

式二無刀首章先言其夫從役之事如此

自伯之東首如飛蓬豈無膏沐誰適音為容

此下三章皆自言思其君子之意也蓬草名華如柳絮常聚而飛蓋其髮之亂如之亦賦中比義也膏所以澤髮者沐滌首去垢也適主也言君子不在無所主而為之耳傳曰女為悅己者容

其雨其雨杲杲古老出日願言思伯甘心首疾

比也○其者美其將然之辭將雨而日出比望其君子之歸而不歸也首疾則不止髮亂矣

焉得諼况袁草言樹之背音願言思伯使我心痾音

賦也○焉何諼忘也諼草忘憂之草或曰即萱草孔氏曰諼非草名故訓為忘假言欲得此草而終不可得耳背北堂也痾病也心痾則其病益深非但首疾而已

伯兮四章章四句

有狐綏綏在彼淇梁心之憂矣之子無裳

比也下二章同○國亂民散喪其妃親寡婦見縣夫而欲嫁之故托言有狐以爲比綏綏獨行求匹之貌石絕水曰梁之子謂縣夫涉水在梁則可以裳故以無裳言之蓋假托以見親厚之意而欲與之爲室家耳

有狐綏綏在彼淇厲心之憂矣之子無帶

叶丁計反

厲比梁爲水深矣涉水在厲則可以帶故以無帶言之

有狐綏綏在彼淇側心之憂矣之子無服

叶蒲北反

在側則既濟矣既濟乎水則可以服故以無服言之

有狐三章章四句

投我以木瓜

叶反

報之以瓊琚

音居

匪報也永以為好

去聲也

賦也下二章同。此亦男女贈答之辭。投贈也。木瓜。木實如小瓜。酢可食。瓊玉之美者。琚佩玉名。言贈以微物而答以重寶亦所以明親厚之意。欲其長以為好而不忘也。

投我以木桃報之以瓊瑤

音遙

匪報也永以為好也

瑤亦美玉也

投我以木李報之以瓊玖

叶舉反

匪報也永以為好也

玖亦美玉此篇三章亦各舉其義言之意同前桑中篇

木瓜三章章四句

此篇從朱子傳解作淫所之說說詳後詩辨

詩本傳

詩經卷之十一
衛下十篇三十四章二百三句

詩益卷之一終